



Godina III - Broj 36

Ponedjeljak, 26. decembra/prosinca 1994.
SARAJEVO

Akontacija pretplate
se utvrđuje
kvartalno

523

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ

O PROGLAŠENJU ZAKONA O AMNESTIJI

Proglasa se Zakon o amnestiji, koji je Skupština Republike Bosne i Hercegovine donijela na sjednici Skupštine od 17. decembra 1994. godine.

PR broj 1722/94
25. decembra 1994. godine
Sarajevo

Zamjenjuje predsjednika
Predsjedništva RBiH,
prof. dr Ejup Ganić, s. r.

ZAKON O AMNESTIJI

Član 1.

Pod uvjetima predviđenim u ovom zakonu daje se amnestija za krivična djela:

a) neodazivanje pozivu i izbjegavanje vojne službe iz člana 214. st. 1. do 3. i samovoljno udaljenje i bjekstvo iz oružanih snaga iz člana 217. u vezi sa članom 226. propisano u Krivičnom zakonu ("Službeni list RBiH", br. 2/92, 10/92 i 16/92);

b) neodazivanje pozivu i izbjegavanje vojne službe onesposobljavanjem ili obmanom i samovoljno udaljenje i bjekstvo iz oružanih snaga iz člana 8. Zakona o primjeni Krivičnog zakona Bosne i Hercegovine i Krivičnog zakona ("Službeni list RBiH", br. 6/92, 11/92 i 21/92) ako je ovom odredbom predviđeno kažnjavanje ovih lica za ta krivična djela.

Amnestija se daje licima koja su djela iz stava 1. ovog člana izvršila neposredno prije proglašenja ratnog stanja, ako su bila pozvana pojedinačnim pozivom i u vremenu od 20. juna 1992. godine do dana stupanja na snagu ovog zakona.

Član 2.

Amnestija iz člana 1. ovog zakona daje se:

a) licima za krivična djela neodazivanje pozivu i izbjegavanje vojne službe iz člana 1. stav 1. tačka a) ovog zakona, ako se u roku od 30 dana od dana stupanja na snagu ovog zakona jave najbližem organu uprave nadležnom za poslove odbrane, a ako borave u Republici Hrvatskoj - ako se u roku od tri mjeseca, odnosno u drugoj državi u roku od šest mjeseci od dana stupanja na snagu ovog zakona vrata u Republiku i jave najbližem organu uprave nadležnom za poslove odbrane;

b) licima, za krivična djela, samovoljno udaljenje i bjekstvo iz oružanih snaga iz člana 1. stav 1. tačka a) ako se u roku od 30 dana od dana stupanja na snagu ovog zakona jave u svoju ili najbližu jedinicu, ustanovu, komandu ili štab oružanih snaga, a ako borave u Republici Hrvatskoj - ako se u roku od tri mjeseca, odnosno u drugoj državi u roku od šest mjeseci od dana stupanja na snagu ovog zakona vrata u Republiku Bosnu i Hercegovinu i jave u svoju ili najbližu jedinicu, ustanovu, komandu ili štab oružanih snaga;

c) licima iz člana 1. stav 1. tačka b) ovog zakona koja borave u Republici Hrvatskoj, ako se u roku od tri mjeseca, odnosno u drugoj državi u roku od šest mjeseci od dana stupanja na snagu ovog zakona, vrata u Republiku Bosnu i Hercegovinu i prijave organu uprave nadležnom za poslove odbrane.

Član 3.

Ako protiv lica iz člana 1. ovog zakona nije pokrenut krivični postupak, postupak se neće pokrenuti, a ako je krivični postupak u toku - obustavit će se.

Ako je licu iz člana 1. ovog zakona pravosnažno izrečena kazna zatvora oslobodit će se od izvršenja te kazne, a ako je izvršenje započeto oslobodit će se daljeg izvršenja kazne.

Član 4.

Rješenje o primjeni amnestije ili rješenje kojim se odbija primjena amnestije, za pravosnažno osuđena lica i lica protiv kojih je krivični postupak u toku, donosi nadležni sud koji je sudio u prvom stepenu ili sud pred kojim je krivični postupak u toku, po službenoj dužnosti ili na zahtjev osuđenog, okrivljenog ili lica koja u korist okrivljenog mogu izjaviti žalbu.

Rješenje iz stava 1. ovog člana sud je dužan donijeti u roku od tri dana od dana stupanja na snagu ovog zakona, odnosno u roku od tri dana od prijema zahtjeva.

Protiv rješenja iz stava 1. ovog člana nadležni tužilac odnosno lica iz stava 1. ovog člana mogu izjaviti žalbu u roku od tri dana od dana prijema rješenja.

Žalba protiv rješenja o primjeni amnestije ne zadržava izvršenje rješenja.

Član 5.

Ako se lice na koje se odnosi rješenje o primjeni amnestije nalazi na izdržavanju kazne zatvora ili u pritvoru sud će odrediti da se odmah pusti na slobodu.

Član 6.

Na dostavljanje pismena, računanje rokova i postupak po žalbi, shodno se primjenjuju odredbe Zakona o krivičnom postupku ("Službeni list RBiH", br. 2/92, 9/92 i 16/92) i Zakona o primjeni Zakona o krivičnom postupku ("Službeni list RBiH", br. 6/92 i 9/92).

Član 7.

Ministar pravde će, u saradnji sa ministrom odbrane donijeti uputstvo za provođenje ovog zakona, u roku od 15 dana od dana stupanja na snagu ovog zakona.

Član 8.

Ovaj zakon stupa na snagu danom objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

524

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ

O PROGLAŠENJU ZAKONA O CENTRU ZA SLUŠNU I GOVORNU REHABILITACIJU SARAJEVO

Prolašava se Zakon o Centru za slušnu i govornu rehabilitaciju Sarajevo, koji je Skupština Republike Bosne i Hercegovine donijela na sjednici Skupštine od 17. decembra 1994. godine.

PR broj 1723/94
25. decembra 1994. godine
Sarajevo

Zamjenjuje predsjednika
Predsjedništva RBiH,
prof. dr Ejup Ganić, s. r.

ZAKON

O CENTRU ZA SLUŠNU I GOVORNU REHABILITACIJU SARAJEVO

Član 1.

Zavod za rehabilitaciju sluha i govora djece i omladine "Nemanja Vlatković" u Sarajevu nastavlja rad pod nazivom Javna ustanova Centar za slušnu i govornu rehabilitaciju Sarajevo (u daljem tekstu: Centar), po odredbama ovog zakona.

Skraćeni naziv javne ustanove je: Centar za slušnu i govornu rehabilitaciju Sarajevo (u daljem tekstu: Centar).

Skupština Republike Bosne i Hercegovine zadržava prava osnivača prema Centru.

Član 2.

Centar je javna ustanova u državnoj svojini, sa svojstvom pravnog lica sa ograničenom odgovornošću.

Sjedište Centra je u Sarajevu, ulica Asima Ferhatovića broj 18.

Član 3.

Na rad Centra primjenjuju se odredbe Zakona o ustanovama ("Službeni list RBiH", br. 6/92, 8/93 i 13/94), Zakona o osnovnoj školi ("Službeni list SRBiH", broj 39/90 i "Službeni list RBiH", br. 3/93, 24/93 i 13/94), Zakona o srednjoj školi ("Službeni list SRBiH", broj 39/90 i "Službeni list RBiH", br. 3/93, 24/93, 13/94 i 33/94) i Zakona o predškolskom obrazovanju i vaspitanju ("Službeni list SRBiH", br. 16/78, 30/81 i 10/87), ako ovim zakonom nije drugačije određeno.

Član 4.

Djelatnost Centra je:

- ostvarivanje predškolskog, osnovnog i srednjeg obrazovanja i odgoja slušno oštećene djece i omladine,
- skraćeno obrazovanje odraslih slušno oštećenih lica,
- prevencija audio-govornih poremećaja, rana detekcija i dijagnostika slušnih i govornih poremećaja i oštećenja predškolske i školske djece i odraslih lica,
- utvrđivanje stepena oštećenja sluha i davanje surdo-audioloških uputstava i ekspertiza, shodno vrsti i stepenu oštećenja,
- audio-govorna rehabilitacija djece i omladine audiološki trening,

- iniciranje ambulantnog liječenja i rehabilitacija lica sa slušnom i govornom patologijom i artikulativnim rastrojstvima (govor i glas),

- smještaj, ishrana i patronaža slušno oštećenih u okviru obitelji hranitelja i internata,

- vršenje audioloških, surdoloških i logopedskih mobilnih tretmana,

- vršenje psiholoških, pedagoških i zdravstvenih pregleda, davanje stručnih mišljenja i saradnja sa roditeljima, odnosno starateljima djece i određivanje sredstava, metoda i tehnike kojima će se vršiti stručni tretman,

- utvrđivanje adekvatne audiološke i logopedske metode i postupka prema socijalnoj, pedagoškoj i psihološkoj zrelosti djeteta,

- individualna i grupna obrada slušno i govorno oštećenih lica,

- utvrđivanje i praćenje općeg psihofizičkog stanja logopata, ustanovljavanje vrste govornih poremećaja i vršenje logopedskih pregleda svih slučajeva sa rastrojstvima i poremećajima u govoru i glasu,

- razvrstavanje, vršenje kategorizacije i evidentiranje djece i omladine oštećenog sluha i govora - dinamička dijagnostika,

- vršenje istraživanja na polju slušne i govorne patologije i praćenje stanja, potreba i mogućnosti,

- praćenje savremenih dostignuća i trenda u odgojno-obrazovnom radu sa djecom oštećenog sluha i govora,

- saradnja sa institutima i ustanovama za rehabilitaciju sluha i govora u zemlji i inozemstvu,

- uvoz, proskripcija i distribucija slušnih aparata, pomagala i rezervnih dijelova,

- servisiranje elektro-akustične opreme Centra, individualnih slušnih aparata i izrada dijelova za opremu,

- pripremanje i integracija slušno oštećenih učenika u redovan sistem odgoja i obrazovanja, praćenje i pružanje stručne pomoći ovim učenicima,

- organiziranje savjetovališta za roditelje i staratelje, odnosno hranitelje slušno oštećene djece i omladine,

- profesionalna rehabilitacija i radno osposobljavanje uz zapošljavanje slušno oštećenih lica u radionicama Centra,

- saradnja sa redovnim osnovnim i srednjim školama i specijalnim odjeljenjima na pružanju stručne pomoći slušno oštećene djece i omladine,

- vršenje i drugih poslova određenih zakonom i pravilima Centra.

Član 5.

Centar može organizirati isturene punktove izvan svog sjedišta za obavljanje neke od djelatnosti iz člana 4. ovog zakona.

Istureni punkt iz stava 1. ovog člana nema svojstvo pravnog lica.

Član 6.

Sredstva za rad Centra osiguravaju se iz republičkog budžeta, naknada za obavljene usluge i iz drugih izvora.

Član 7.

Višak prihoda nad rashodima Centar, uz saglasnost osnivača, koristi za unapređivanje i razvoj djelatnosti zbog koje je i osnovan.

Član 8.

Organ upravljanja i rukovođenja u Centru je: upravni odbor i direktor.

Upravni odbor sačinjavaju predstavnici osnivača, slušno oštećenih građana i radnika Centra.

Broj članova upravnog odbora i način izbora bliže se utvrđuju pravilima Centra.

Član 9.

Upravni odbor Centra, pored poslova utvrđenih Zakonom o ustanovama i ovim zakonom, obavlja i slijedeće poslove:

- redovno i kontinuirano obavještava osnivača o ostvarivanju djelatnosti i mjerama koje je potrebno poduzeti u cilju njenog unapređivanja,

- donosi planove rada i razvoja, godišnji program rada, izvještaj o radu, kao i finansijski plan,
- podnosi osnivaču izvještaj o svom poslovanju najmanje jedanput godišnje i obračun utroška sredstava za rad,
- izvještava redovno, a najmanje jedanput šestomesečno osnivača o kompletnom radu Centra.

Član 10.

Nadzor nad zakonitošću rada Centra vrši Ministarstvo obrazovanja, nauke, kulture i sporta.

Član 11.

Vlada Republike Bosne i Hercegovine imenovat će upravni odbor i direktora Centra, u roku od 30 dana od dana stupanja na snagu ovog zakona.

Član 12.

Upravni odbor Centra donijet će pravila Centra u skladu sa ovim zakonom, u roku od 60 dana od dana imenovanja članova upravnog odbora.

Član 13.

Centar je dužan da uskladi svoju organizaciju sa odredbama ovog zakona u roku od tri mjeseca od dana stupanja na snagu ovog zakona.

Član 14.

Ovaj zakon predstavlja osnivački akt na osnovu kojeg će se izvršiti upis u sudski registar ustanova.

Član 15.

Danom stupanja na snagu ovog zakona prestaje da važi Zakon o Zavodu za rehabilitaciju sluha i govora djece i omladine "Nemanja Vlatković" Sarajevo ("Službeni list SR BiH", br. 29/77, 13/83 i 17/88).

Član 16.

Ovaj zakon stupa na snagu danom objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

525

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ

O PROGLAŠENJU ZAKONA O CENTRU ZA SLIJEPU I SLABOVIDNU DJECU I OMLADINU

Progllašava se Zakon o Centru za slijepu i slabovidnu djecu i omladinu, koji je Skupština Republike Bosne i Hercegovine donijela na sjednici Skupštine od 17. decembra 1994. godine.

PR broj 1724/94
25. decembra 1994. godine
Sarajevo

Zamjenjuje predsjednika
Predsjedništva RBiH,
prof. dr Ejup Ganić, s. r.

ZAKON O CENTRU ZA SLIJEPU I SLABOVIDNU DJECU I OMLADINU

Član 1.

Zavod za slijepu djecu u Sarajevu nastavlja rad pod nazivom Javna ustanova Centar za slijepu i slabovidnu djecu i omladinu, po odredbama ovog zakona.

Skraćeni naziv javne ustanove je: Centar za slijepu i slabovidnu djecu i omladinu (u daljem tekstu: Centar).
Skupština Republike Bosne i Hercegovine zadržava pravo osnivača prema Centru.

Član 2.

Centar je javna ustanova u državnoj svojini, sa svojstvom pravnog lica sa ograničenom odgovornošću.

Sjedište Centra je u Sarajevu, ulica Šahinagića broj 14.

Član 3.

Na rad Centra primjenjuju se odredbe Zakona o ustanovama ("Službeni list RBiH", br. 6/92, 8/93 i 13/94), Zakona o osnovnoj školi ("Službeni list SR BiH", broj 39/90 i "Službeni list RBiH", br. 3/93, 24/93 i 13/94), Zakona o srednjoj školi ("Službeni list SR BiH", broj 39/90 i "Službeni list RBiH", br. 3/93, 24/93, 13/94 i 33/94) i Zakona o predškolskom obrazovanju i vaspitanju ("Službeni list SR BiH", br. 16/78, 30/81 i 10/87), ako ovim zakonom nije drugačije određeno.

Član 4.

Djelatnost Centra je:

- ostvarivanje predškolskog, osnovnog i srednjeg obrazovanja i odgoja slijepih i slabovidne djece i omladine,
- edukacija i profesionalna rehabilitacija i psihološka adaptacija slijepih i slabovidnih lica, kao i resocijalizacija kasnije oslijepljenih i slabovidnih lica,
- smještaj i ishrana slijepih i slabovidnih učenika u okviru obitelji hranitelja i internata,
- vršenje ambulantnih i preventivnih poslova vezanih za zaštitu zdravlja slijepih i slabovidne djece i omladine,
- vršenje oftalmoloških, psiholoških, pedagoških i zdravstvenih pregleda i davanje stručnih mišljenja o stanju slijepih i slabovidnih lica,
- vršenje logopedskih, peripatoloških (prostorne orijentacije) i reedukativnih pregleda i vježbi,
- razvrstavanje, vršenje kategorizacije i evidentiranje slijepih i slabovidne djece i omladine,
- praćenje savremenih dostignuća i trenda u odgojno-obrazovnom radu sa slijepom i slabovidnom djecom i omladinom,
- saradnja sa institutima i ustanovama za slijepa i slabovidna lica u zemlji i inozemstvu,
- uvoz, izrada, proskripcija i distribucija aparata, pomagala i rezervnih dijelova, tiflo pomagala i drugih učila za slijepa i slabovidna lica,
- rad sa lako mentalno retardiranom, gluvom i tjelesno invalidnom djecom i omladinom koja su slijepa i slabovidna,
- pripremanje i integracija slijepih i slabovidnih učenika u redovan sistem odgoja i obrazovanja, praćenje i pružanje stručne pomoći ovim učenicima,
- organiziranje savjetovališta za roditelje i staratelje, odnosno hranitelje slijepih i slabovidne djece i omladine,
- profesionalna rehabilitacija i radno osposobljavanje, uz zapošljavanje slijepih i slabovidnih lica u radionicama Centra,
- organiziranje i rad školske biblioteke na pismu za slijepu, u zvučnoj tehnici i na pismu sa uvećanim slovima,
- štampanje i snimanje udžbenika u tehnikama prilagođenim slijepim i slabovidnim licima,
- saradnja sa redovnim osnovnim i srednjim školama i specijalnim odjeljenjima na pružanju stručne pomoći slijepoj i slabovidnoj djece i omladini,
- vršenje i drugih poslova određenih zakonom i pravilima Centra.

Član 5.

Centar može organizirati isturene punktove izvan svog sjedišta za obavljanje neke od djelatnosti iz člana 4. ovog zakona.

Istureni punkt iz stava 1. ovog člana nema svojstvo pravnog lica.

Član 6.

Sredstva za rad Centra osiguravaju se iz republičkog budžeta, naknada za obavljene usluge i iz drugih izvora.

Član 7.

Višak prihoda nad rashodima Centra, uz saglasnost osnivača, koristi se za unapređivanje i razvoj djelatnosti zbog koje je i osnovan.

Član 8.

Organ upravljanja i rukovođenja u Centru je: upravni odbor i direktor.

Upravni odbor sačinjavaju predstavnici osnivača, slijepih i slabovidnih građana i radnika Centra.

Broj članova upravnog odbora i način izbora bliže se utvrđuju pravilima Centra.

Član 9.

Upravni odbor Centra, pored poslova utvrđenih Zakonom o ustanovama i ovim zakonom, obavlja i slijedeće poslove:

- redovno i kontinuirano obavještava osnivača o ostvarivanju djelatnosti i mjerama koje je potrebno poduzeti u cilju njenog unapređivanja,
- donosi planove rada i razvoja, godišnji program rada, izvještaj o radu, kao i finansijski plan,
- podnosi osnivaču izvještaj o svom poslovanju najmanje jedanput godišnje i obračun utroška sredstava za rad,
- izvještava redovno, a najmanje jedanput šestomjesečno osnivača o kompletnom radu Centra.

Član 10.

Nadzor nad zakonitošću rada Centra vrši Ministarstvo obrazovanja, nauke, kulture i sporta.

Član 11.

Vlada Republike Bosne i Hercegovine imenovat će upravni odbor i direktora Centra, u roku od 30 dana od dana stupanja na snagu ovog zakona.

Član 12.

Upravni odbor Centra donijet će pravila Centra u skladu sa ovim zakonom, u roku od 60 dana od dana imenovanja članova upravnog odbora.

Član 13.

Centar je dužan da uskladi svoju organizaciju sa odredbama ovog zakona u roku od tri mjeseca od dana stupanja na snagu ovog zakona.

Član 14.

Ovaj zakon predstavlja osnivački akt na osnovu kojeg će se izvršiti upis u sudski registar ustanova.

Član 15.

Danom stupanja na snagu ovog zakona prestaju da važe Zakon o Zavodu za slijepu djecu u Sarajevu ("Službeni list SRBiH", br. 29/77 i 17/78) i Zakon o Zavodu za obrazovanje, rehabilitaciju i zapošljavanje slijepih "Budućnost" u Derventi ("Službeni list SRBiH", br. 29/77 i 17/78).

Član 16.

Ovaj zakon stupa na snagu danom objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

526

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ

O PROGLAŠENJU ZAKONA O ZAVODU ZA SPECIJALNO OBRAZOVANJE I ODGOJ DJECE MJEDENICA

Proглашава se Zakon o Zavodu za specijalno obrazovanje i odgoj djece Mjedenica, koji je Skupština Republike Bosne i Hercegovine donijela na sjednici Skupštine od 17. decembra 1994. godine.

PR broj 1725/94
25. decembra 1994. godine
Sarajevo

Zamjenjuje predsjednika
Predsjedništva RBiH,
prof. dr Ejup Ganić, s. r.

ZAKON

O ZAVODU ZA SPECIJALNO OBRAZOVANJE I ODGOJ DJECE MJEDENICA

Član 1.

Zavod za specijalno obrazovanje i vaspitanje djece u Sarajevu nastavlja rad pod nazivom Javna ustanova Zavod za specijalno obrazovanje i odgoj djece Mjedenica, po odredbama ovog zakona.

Skraćeni naziv javne ustanove je: Zavod za specijalno obrazovanje i odgoj djece Mjedenica (u daljem tekstu: Zavod). Skupština Republike Bosne i Hercegovine zadržava prava osnivača prema Zavodu.

Član 2.

Zavod je javna ustanova u državnoj svojini, sa svojstvom pravnog lica sa ograničenom odgovornošću.

Sjedište Zavoda je u Sarajevu, Mjedenica broj 34.

Član 3.

Na rad Zavoda primjenjuju se odredbe Zakona o ustanovama ("Službeni list RBiH", br. 6/92, 8/93 i 13/94), Zakona o osnovnoj školi ("Službeni list SRBiH", broj 39/90 i "Službeni list RBiH", br. 3/93, 24/93 i 13/94), Zakona o srednjoj školi ("Službeni list SRBiH", broj 39/90 i "Službeni list RBiH", br. 3/93, 24/93, 13/94 i 33/94) i Zakona o predškolskom obrazovanju i vaspitanju ("Službeni list SRBiH", br. 16/78, 30/81 i 10/87), ako ovim zakonom nije drugačije određeno.

Član 4.

Djelatnost Zavoda je:

- ostvarivanje specijalnog predškolskog odgoja umjereno mentalno retardirane djece od šest do osam godina, kroz pripremna odjeljenja u toku opservacije od godinu dana i realizacija odjeljenja za umjereno retardiranu djecu uzrasta od osam do 12 godina,
- specijalno osnovno obrazovanje i odgoj,
- specijalno srednje stručno obrazovanje za lako mentalno retardirane učenike za jednostavna i pomoćna zanimanja (I i II stepena stručne sprema),
- dijagnostika i rana rehabilitacija djece sa smetnjama u razvoju,
- edukacija roditelja kroz organiziranje savjetodavnog rada sa zadacima,
- rehabilitacija i profesionalna orijentacija za učenike Zavoda i učenike iz specijalnih odjeljenja pri redovnim školama,
- osiguravanje smještaja, ishrane i odgoja mentalno retardirane djece kroz domski i obiteljski smještaj,
- praćenje razvoja mentalno retardirane djece sa medicinskog, psihološkog i sociološkog stanovišta,
- izvođenje govornih vježbi sa učenicima koji pohađaju školu u Zavodu, kod kojih je inicirano ambulantno liječenje govornih nedostataka i djecom sa teritorije Republike Bosne i Hercegovine, koje upućuju na rehabilitaciju zdravstvene ustanove,

- izvođenje vježbi psihomotorne reprodukcije sa učenicima iz Zavoda kao i djece van Zavoda, koji su upućeni od strane medicinskih ustanova,
- vršenje radne okupacije umjereno i teže retardiranih lica preko 16 godina, koja nisu mogla nastaviti školovanje,
- vršenje i drugih poslova određenih zakonom i pravilima Zavoda.

Član 5.

Zavod može organizirati isturene punktove izvan svog sjedišta za obavljanje neke od djelatnosti iz člana 4. ovog zakona.

Istureni punkt iz stava 1. ovog člana nema svojstvo pravnog lica.

Član 6.

Sredstva za rad Zavoda osiguravaju se iz republičkog budžeta, naknada za obavljene usluge i iz drugih izvora.

Član 7.

Višak prihoda nad rashodima Zavod, uz saglasnost osnivača, koristi za unapređivanje i razvoj djelatnosti zbog koje je i osnovan.

Član 8.

Organ upravljanja i rukovođenja u Zavodu je: upravni odbor i direktor.

Upravni odbor sačinjavaju predstavnici osnivača i radnika Zavoda.

Broj članova upravnog odbora i način izbora bliže se utvrđuje pravilima Zavoda.

Član 9.

Upravni odbor Zavoda, pored poslova utvrđenih Zakonom o ustanovama i ovim zakonom, obavlja i slijedeće poslove:

- redovno i kontinuirano obavještava osnivača o ostvarivanju djelatnosti i mjerama koje je potrebno poduzeti u cilju njenog unapređivanja,
- donosi planove rada i razvoja, godišnji program rada, izvještaj o radu, kao i finansijski plan,
- podnosi osnivaču izvještaj o svom poslovanju najmanje jedanput godišnje i obračun utroška sredstava za rad,
- izvještava redovno, a najmanje jedanput šestomesečno osnivača o kompletnom radu Zavoda.

Član 10.

Nadzor nad zakonitošću rada Zavoda vrši Ministarstvo obrazovanja, nauke, kulture i sporta.

Član 11.

Vlada Republike Bosne i Hercegovine imenovat će upravni odbor i direktora Zavoda, u roku od 30 dana od dana stupanja na snagu ovog zakona.

Član 12.

Upravni odbor Zavoda donijet će pravila Zavoda u skladu sa ovim zakonom, u roku od 60 dana od dana imenovanja članova upravnog odbora.

Član 13.

Zavod je dužan da uskladi svoju organizaciju sa odredbama ovog zakona u roku od tri mjeseca od dana stupanja na snagu ovog zakona.

Član 14.

Ovaj zakon predstavlja osnivački akt na osnovu kojeg će se izvršiti upis u sudski registar ustanova.

Član 15.

Danom stupanja na snagu ovog zakona prestaje da važi Zakon o Zavodu za specijalno obrazovanje i vaspitanje djece ("Službeni list SRBiH", br. 29/77 i 17/78).

Član 16.

Ovaj zakon stupa na snagu danom objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

527

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ

**O PROGLAŠENJU ZAKONA O PREUZIMANJU
PRAVA OSNIVAČA PREMA ZAVODU ZA
MEDICINSKU REHABILITACIJU "REUMAL" I
SPECIJALNOJ BOLNICI ZA LIJEČENJE,
REHABILITACIJU MIOPATSKIH, NEUROPATSKIH,
REUMATSKIH I SRODNIH OBOLJENJA "FOJNICA"**

Prolašava se Zakon o preuzimanju prava osnivača prema Zavodu za medicinsku rehabilitaciju "Reumal" i Specijalnoj bolnici za liječenje, rehabilitaciju miopatskih, neuropatskih, reumatskih i srodnih oboljenja "Fojnica", koji je Skupština Republike Bosne i Hercegovine donijela na sjednici Skupštine od 17. decembra 1994. godine.

PR broj 1726/94
25. decembra 1994. godine
Sarajevo

Zamjenjuje predsjednika
Predsjedništva RBiH,
prof. dr Ejup Ganić, s. r.

ZAKON

**O PREUZIMANJU PRAVA OSNIVAČA PREMA
ZAVODU ZA MEDICINSKU REHABILITACIJU
"REUMAL" I SPECIJALNOJ BOLNICI ZA
LIJEČENJE, REHABILITACIJU MIOPATSKIH,
NEUROPATSKIH, REUMATSKIH I SRODNIH
OBOLJENJA "FOJNICA"**

Član 1.

U cilju trajnog i nesmetanog obavljanja medicinske rehabilitacije civilnih žrtava rata i pripadnika oružanih snaga Republike Bosne i Hercegovine, kao i ostalih korisnika ovih zdravstvenih usluga, Skupština Republike Bosne i Hercegovine (u daljem tekstu: osnivač), preuzima prava osnivača prema Zavodu za medicinsku rehabilitaciju "Reumal" i Specijalnoj bolnici za liječenje, rehabilitaciju miopatskih, neuropatskih, reumatskih i srodnih oboljenja "Fojnica".

Zavod za medicinsku rehabilitaciju "Reumal" i Specijalna bolnica za liječenje, rehabilitaciju miopatskih, neuropatskih, reumatskih i srodnih oboljenja "Fojnica" nastavljaju rad pod nazivom Javna ustanova Republički centar za medicinsku rehabilitaciju u Fojnici.

Skraćeni naziv javne ustanove iz stava 2. ovog člana je: RRC "Fojnica" u Fojnici.

Član 2.

RRC "Fojnica" u Fojnici je javna ustanova u državnoj svojini.

Sjedište RRC "Fojnica" je u Fojnici, ulica Banjska b. b.

Član 3.

RRC "Fojnica" u Fojnici ima svojstvo pravnog lica sa ograničenom odgovornošću.

Član 4.

Na RRC "Fojnica" u Fojnici primjenjuje se Zakon o ustanovama ("Službeni list RBiH", br. 6/92, 8/93 i 13/94), ako ovim zakonom nije drugačije određeno.

Član 5.

Djelatnost RRC "Fojnica" u Fojnici, je:

- polivalentna medicinska rehabilitacija, primjenom svih mjera fizikalne medicine,
- specifična ortopedsko-rekonstruktivna i neurohirurgija,
- ortopedska protetika,
- specifična dijagnostika.

Član 6.

Osnivački ulog RRC "Fojnica" u Fojnici formira se po osnovu vrijednosti zemljišta, građevinskih objekata i opreme, i to:

- zemljište	432.456 DEM
- građevinskih objekata	34.738.129 DEM
- opreme	6.874.812 DEM

S V E G A: 42.045.397 DEM

Član 7.

Sredstva za rad RRC "Fojnica" u Fojnici osiguravaju se iz republičkog budžeta, drugih izvora i naknada za obavljene zdravstvene usluge.

Član 8.

Višak prihoda nad rashodima RRC "Fojnica" u Fojnici, uz saglasnost osnivača, koristi se za obavljanje i razvoj zdravstvene djelatnosti zbog koje je i osnovan.

Član 9.

Organi upravljanja i rukovođenja RRC "Fojnica" u Fojnici je upravni odbor i direktor.

Upravni odbor ima sedam članova.

Član 10.

Upravni odbor RRC "Fojnica" u Fojnici:

- redovno i kontinuirano obavještava osnivača o uvjetima provođenja medicinske rehabilitacije, te o mjerama koje treba poduzeti u cilju unapređenja iste,
- podnosi izvještaj o svom poslovanju najmanje jedanput šestomjesečno, te tromjesečni, šestomjesečni i godišnji obračun utroška sredstava za rad,
- izvještava redovno, a najmanje jedanput mjesečno osnivača o kompletnom radu ove ustanove,
- donosi planove rada i razvoja, godišnji program rada, izvještaj o radu, kao i finansijski plan.

Osnivač daje saglasnost na pravila RRC "Fojnica" u Fojnici, na planove rada i razvoja, godišnji program rada, izvještaj o radu, te finansijski plan.

Član 11.

Vlada Republike Bosne i Hercegovine imenovat će upravni odbor i direktora RRC "Fojnica" u Fojnici, u roku od 30 dana od dana stupanja na snagu ovog zakona.

Član 12.

Upravni odbor RRC "Fojnica" u Fojnici donijet će pravila ustanove, u roku od 60 dana od dana imenovanja članova upravnog odbora.

Član 13.

Ovaj zakon predstavlja osnivački akt na osnovu kojeg će se izvršiti upis u sudski registar.

Član 14.

Ovaj zakon stupa na snagu danom objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

528

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ

O PROGLAŠENJU ZAKONA O POVJERAVANJU JAVNIH OVLAŠĆENJA BOSANSKOHERCEGOVAČKOM AUTOMOTO KLUBU - BIHAMK

Proglašava se Zakon o povjeravanju javnih ovlaštenja Bosanskohercegovačkom automoto klubu - BIHAMK, koji je Skupština Republike Bosne i Hercegovine donijela na sjednici Skupštine od 17. decembra 1994. godine.

PR broj 1727/94
25. decembra 1994. godine
Sarajevo

Zamjenjuje predsjednika
Predsjedništva RBiH,
prof. dr Ejup Ganić, s. r.

ZAKON

O POVJERAVANJU JAVNIH OVLAŠĆENJA BOSANSKOHERCEGOVAČKOM AUTOMOTO KLUBU - BIHAMK

Član 1.

Republika Bosna i Hercegovina (u daljem tekstu: Republika), povjerava Bosanskohercegovačkom automoto klubu - BIHAMK (u daljem tekstu: BIHAMK) vršenje javnih ovlaštenja.

Član 2.

U vršenju javnih ovlaštenja povjerenih ovim zakonom, BIHAMK saraduje sa međunarodnim i sličnim organizacijama drugih država u oblasti međunarodnog drumskog saobraćaja, automobilizma, motociklizma, obuke vozača, turističkih poslova sa inozemstvom i zaštite motoriziranih građana i putnika, u skladu sa svojim statutom.

Član 3.

BIHAMK vrši sljedeća javna ovlaštenja.

1. osigurava dokumentaciju za naplatu carine i drugih uvoznih dažbina na motorna vozila, njihove dijelove i opremu koji se uvoze i prevoze u međunarodnom drumskom saobraćaju i na osnovu karneta, triptika i drugih sličnih međunarodnih isprava;

2. izdaje vozačima kojima je izdata bosanskohercegovačka vozačka dozvola međunarodne vozačke dozvole i o tome vodi registar;

3. izdaje vozačima državljanima Republike dozvole za upravljanje tuđim motornim vozilom kad prelaze državnu granicu, i o tome vodi evidenciju;

4. izdaje dozvole za održavanje međunarodnih automoto takmičenja na teritoriji Republike i licence za staze na kojima se održavaju takmičenja;

5. izdaje takmičarske dozvole i licence za učešće na međunarodnim automoto takmičenjima;

6. izdaje dozvole kojima se utvrđuje da je motorno vozilo tehnički ispravno za učešće na međunarodnim automoto takmičenjima;

7. preuzima, prikuplja i čuva motorna i priključna vozila i njihove dijelove koji su uvezeni u Republiku o kojima se vodi carinski, upravni ili prekršajni postupak, osim redovnog postupka carinjenja, i o tome vodi evidenciju, vrši prodaju tih vozila i dijelova i prihode dobijene tom prodajom uplaćuje u republički budžet, po odbitku troškova preuzimanja, prikupljanja, čuvanja i prodaje, utvrđenih propisom koji donosi Vlada Republike Bosne i Hercegovine (u daljem tekstu: Vlada RBiH);

8. obavlja poslove Službe "Pomoć-informacije" koji proističu iz zakona i međunarodnih ugovora pružanjem tehničke pomoći motoriziranim domaćim i stranim učesnicima u saobraćaju na javnim putevima, uklanjanjem sa javnih puteva oštećenih vozila i vozila u kvaru, davanjem obavještenja o stanju prohodnosti puteva i pružanjem turing pomoći.

Vlada RBiH propisuje način vršenja poslova iz stava 1. tač. 1, 7. i 8. ovog člana i način obračuna i uplate prihoda u

republički budžet od prodatih vozila i dijelova na osnovu odredbe stava 1. tačka 7. ovog člana.

BIHAMK utvrđuje cijenu izdavanja dozvola iz stava 1. ovog člana uz prethodnu saglasnost ministarstva nadležnog za poslove saobraćaja.

Član 4.

Vlada RBiH daje saglasnost na odredbe statuta BIHAMK, a koje se odnose na način vršenja javnih ovlaštenja iz člana 3. stav 1. ovog zakona.

Član 5.

Na prijedlog BIHAMK-a ministarstvo nadležno za poslove zdravlja u saradnji sa Ministarstvom unutrašnjih poslova propisuje posebne zdravstvene uvjete koje mora ispunjavati vozač za međunarodna takmičenja u automoto sportu i način izdavanja ljekarskog uvjerenja vozaču za ta takmičenja.

Član 6.

Upravni nadzor nad vršenjem povjerljivih javnih ovlaštenja BIHAMK-u vrše, i to:

1. ministarstvo nadležno za poslove carina - nad poslovima iz člana 3. stav 1. tač. 1. i 7. ovog zakona;
2. ministarstvo unutrašnjih poslova - nad poslovima iz člana 3. stav 1. tač. 2, 3. i 6. ovog zakona;
3. ministarstvo nadležno za poslove saobraćaja - nad poslovima iz člana 3. stav 1. tač. 4, 5. i 8. ovog zakona.

Član 7.

Organi uprave iz člana 6. ovog zakona rješavaju o žalbama protiv donesenih upravnih akata u vršenju povjerenih javnih ovlaštenja i vrše druga prava koja po zakonu ima drugostepeni organ u upravnom postupku.

Član 8.

BIHAMK vršenjem javnih ovlaštenja povjerenih ovim zakonom, stiče sredstva u skladu sa zakonom i svojim statutom, koja koristi za ostvarivanje svojih ciljeva i zadataka.

Član 9.

Sredstvima koja po osnovu javnih ovlaštenja, privrednom aktivnošću ili po drugom osnovu ostvari ili stekne BIHAMK upravljaju automoto klubovi i građani udruženi u BIHAMK kao njegovi članovi, i odlučuju o korišćenju tih sredstava i o raspolaganju njima, u skladu sa zakonom, statutom i drugim općim aktom BIHAMK-a.

Izuzetno od odredbe stava 1. ovog člana sredstva stečena naknadama koje se uplaćuju za obavljanje poslova Službe "Pomoć-informacije" koriste se uz saglasnost ministarstva nadležnog za poslove saobraćaja.

Član 10.

Ovaj zakon stupa na snagu danom objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

529

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ

O PROGLAŠENJU ZAKONA O IZMJENI ZAKONA O NAPUŠTENIM STANOVIMA

Prolašava se Zakon o izmjenama Zakona o napuštenim stanovima, koji je Skupština Republike Bosne i Hercegovine donijela na sjednici Skupštine od 17. decembra 1994. godine.

PR broj 1728/94
25. decembra 1994. godine
Sarajevo

Zamjenjuje predsjednika
Predsjedništva RBiH,
prof. dr Ejup Ganić, s. r.

ZAKON

O IZMJENI ZAKONA O NAPUŠTENIM STANOVIMA

Član 1.

U Zakonu o napuštenim stanovima ("Službeni list RBiH", br. 6/92, 8/92, 16/92 i 13/94), u članu 1. broj "1990." zamjenjuje se brojem "1991.".

Član 2.

Ovaj zakon stupa na snagu narednog dana od dana objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

530

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ

O PROGLAŠENJU ZAKONA O DODATNOM UREĐIVANJU POREZA NA PROMET PROIZVODA I USLUGA

Prolašava se Zakon o dodatnom uređivanju poreza na promet proizvoda i usluga, koji je Skupština Republike Bosne i Hercegovine donijela na sjednici Skupštine od 17. decembra 1994. godine.

PR broj 1729/94
25. decembra 1994. godine
Sarajevo

Zamjenjuje predsjednika
Predsjedništva RBiH,
prof. dr Ejup Ganić, s. r.

ZAKON

O DODATNOM UREĐIVANJU POREZA NA PROMET PROIZVODA I USLUGA

I - OPĆE ODREDBE

Član 1.

Ovim zakonom dodatno se uređuje sistem poreza na promet proizvoda i usluga i uvodi porez na promet usluga trgovine na malo i ugostiteljstva na teritoriji Republike Bosne i Hercegovine (u daljem tekstu: Republika).

Član 2.

Porez na promet usluga trgovine na malo i ugostiteljstva je prihod republičkog budžeta.

II - PORESKA OSLOBODENJA

Član 3.

Porez na promet proizvoda ne plaća se na promet:

1) proizvoda koje kao robne rezerve nabavljaju ovlašćene organizacije, a na osnovu potvrde ovlaštenog organa, te ih čuvaju i upotrebljavaju kao stalne robne rezerve;

2) proizvoda što ih Crveni križ i druge humanitarne organizacije dobiju bez naknade ili ih nabavljaju na način i pod uslovima propisanim zakonom, a upotrebljavaju ih za namjene za koje su osnovane, osim putničkih automobila, nafte i naftnih derivata, duhana i duhanskih preradevina, alkohola i alkoholnih pića, piva, kahve i preradevina od kahve, s tim da ih dalje ne prodaju, izuzev značaka, markica i drugih grafičkih proizvoda s otisnutim vlastitim znakom i sadržajem vezanim za djelatnost;

3) proizvoda što se uvoze na osnovu carinskih kontigenata i na koje se ne plaća carina po odredbama člana 52. Carinskog zakona;

4) opreme koju pravna i fizička lica nabavljaju pod uvjetima propisanim zakonom.

Opremom u smislu stava 1. tačka 4. ovog člana smatraju se osnovna sredstva za obavljanje djelatnosti, te njihovi rezervni dijelovi, stvari sitnog inventara određene prema propisima o amortizaciji, uređaji i dijelovi uređaja za zaštitu okolice, sredstva za zaštitu na radu i ličnu zaštitu, osim putničkih automobila i njihovih rezervnih dijelova i namještaja za opremanje administrativnih prostorija.

Izuzetno, opremom u smislu ovog člana smatra se novi putnički automobil kojeg za obavljanje autotaxi prijevoza uvoze poreski obveznici-pravna i fizička lica, najviše jedanput u toku tri godine, pod uvjetima propisanim zakonom.

Novim putničkim automobilom, u smislu stava 3. ovog člana, smatra se putnički automobil koji nije bio registriran ni korišćen na teritoriji Republike.

Fizičko i pravno lice može u periodu od tri godine uvesti samo jedan putnički automobil. Ako fizičko i pravno lice iz ovog stava prestane obavljati djelatnost autotaxi prijevoza, putnički automobil proda ili upotrijebi u druge svrhe prije isteka roka od tri godine, naplatit će se porez na promet po stopi propisanoj ovim zakonom na poresku osnovicu koju je utvrdila nadležna carinarnica u trenutku uvoza i kamata propisana zakonom.

III - PLAĆANJE POREZA NA PROMET PROIZVODA I USLUGA

Član 4.

Porez na promet proizvoda i porez na promet usluga poreski obveznik plaća u roku od pet dana po isteku sedmice kao akontaciju i konačno po isteku godine ako ovim zakonom nije drukčije određeno.

Poreski obveznik iz stava 1. ovog člana plaća porez na promet proizvoda i usluga na vrijednost prodatih proizvoda i obavljenih usluga naplaćenih u toku sedmice. U naplaćenu realizaciju u smislu ovog stava uračunava se i vrijednost prodatih a nenaplaćenih proizvoda i usluga ako je od dana izdavanja računa, odnosno od dana isporuke robe, ako je isporuka robe obavljena prije izdavanja računa, proteklo više od 30 dana. Prilikom prodaje ili uvoza motornih vozila i plovniha objekata koji podliježu obavezi godišnje registracije, kao i za proizvode koje pravna lica ili građani sami izrađuju, a koji podliježu obavezi godišnje registracije, porez na promet plaća se u roku od 15 dana od dana izdavanja računa, odnosno od dana nastanka obaveze plaćanja carine i carinskih davanja u skladu s carinskim propisima, kao i u roku od 15 dana od dana izrade proizvoda. Bez dokaza o plaćenom porezu na promet odnosno bez dokaza o oslobođenju od plaćanja poreza, osim kod privremenog uvoza, ne može se obaviti registracija motornog vozila, plovnog objekta ili drugog proizvoda koji podliježe obavezi registracije.

Izuzetno od st. 1. i 2. ovog člana, pravna i fizička lica obveznici poreza na promet proizvoda i usluga, koja su izvezla proizvode, a nisu ih naplatila u roku od 90 dana od dana kada su proizvodi izvezeni, odnosno nisu obezbijedili dokaze o izvozu u skladu sa zakonom, dužna su prvog dana nakon proteka 90 dana obračunati i uplatiti propisani porez na promet kao da se radi o prometu proizvoda s krajnjim potrošačem u Republici.

Član 5.

Ovlašćuje se ministar finansija-finansija da propiše slučajeve u kojim ne mora biti obavljeno bezgotovinsko plaćanje, kao uslov za primjenu beneficirane stope.

Član 6.

Obaveza obračunavanja i plaćanja poreza na promet uvoznih cigareta nastaje danom preuzimanja nadzornih markica Ministarstva finansija-finansija.

Porez na promet uvoznih cigareta poreski obveznici-uvoznici plaćaju u DEM prilikom carinjenja na propisani račun nadležne carinarnice.

Poreskom obvezniku koji ne plati porez na promet uvoznih cigareta neće se izdavati nadzorne markice.

Ako se uvoz ne obavi u roku od 90 dana od dana kada su preuzete nadzorne markice porez na promet uvoznih cigareta poreski obveznici-uvoznici moraju platiti istekom tog roka.

Član 7.

Promet uvoznih duhanskih preradevina dozvoljen je samo u paketićima za prodaju na malo.

Maloprodajne cijene uvoznih cigareta koje se prodaju na teritoriji Republike utvrđuje Vlada Republike Bosne i Hercegovine.

Član 8.

Uvozne cigarete koje su u prometu na teritoriji Republike moraju biti označene nadzornom markicom Ministarstva finansija-finansija, koja uz tekst "Republika Bosna i Hercegovina-Ministarstvo finansija-finansija" mora imati naznačenu brojnu i slovnu oznaku serije s dodatkom "SCP".

Nadzorne markice poreski obveznici moraju naljepiti na paketić za prodaju na malo na mjestu koje sprečava korištenje sadržaja bez oštećenja nadzorne markice.

Uvozne cigarete bez nadzornih markica smatraju se proizvodima na koje nije obračunat i plaćen porez na promet te se njihovo puštanje u promet i kupovina smatraju protuzakonitim.

Na teritoriji Republike nije dozvoljena prodaja uvoznih cigareta, njihov provoz bez dokumentacije o nabavci, odnosno izvozu ni kupovina ako nisu obilježene nadzornim markicama ili ako su obilježene krivotvorenim markicama.

Član 9.

Poreski obveznici moraju Ministarstvu finansija-finansija podnijeti zahtjev za štampanje nadzornih markica, kojem prilažu odobrenje za uvoz.

Član 10.

Preuzimanje naručnih nadzornih markica od štamparije i njihovu isporuku poreskim obveznicima obavljaju ovlašćeni radnici Ministarstva finansija-finansija.

Član 11.

Poreski obveznici-uvoznici prije preuzimanja nadzornih markica obavezni su dati ovlašćenim radnicima iz člana 10. ovog zakona i garanciju poslovne banke ili drugi odgovarajući instrument radi osiguranja naplate poreza na promet uvoznih cigareta.

Član 12.

Pravo na povrat uplaćenog poreza na promet uvoznih cigareta poreski obveznici imaju za oštećene nadzorne markice ili za nadzorne markice koje se više ne koriste, pod uslovom da Ministarstvu finansija-finansija podnesu zahtjev za povrat plaćenog poreza, prilože dokumenat o plaćenom porezu, te vrate oštećene nadzorne markice ili one koje više nisu u upotrebi.

Namjerno je oštećivanje nadzornih markica protuzakonito.

Ako poreski obveznik vrati oštećene markice ili one koje se više ne koriste u roku propisanom za plaćanje poreza na promet, iznos obračunatog poreza umanjit će se za iznos za koji je zadužen na osnovu tih markica.

IV - POREZ NA PROMET PUTNIČKIH AUTOMOBILA

Član 13.

Na promet putničkih automobila porez na promet plaća se prema radnoj zapremini motora i to za:

- | | |
|--|-----|
| 1. radnu zapreminu motora do 2,0 litara | 20% |
| 2. radnu zapreminu motora preko 2,0 litara | 35% |

Putničkim automobilom smatraju se automobili za prijevoz putnika s najviše devet sjedišta, uključujući i sjedište za vozača i terenska motorna vozila.

U putničke automobile ne spadaju teretna motorna vozila, specijalna sanitetska vozila s ugrađenim uređajima za bolesnike, specijalna vatrogasna vozila, pogrebna motorna vozila,

specijalna i terenska motorna vozila za potrebe policije i patrolne službe s ugrađenim uređajima.

Specijalnim vozilima ne smatraju se putnički automobili prilagođeni za obuku vozača (dvostruke komande, izbačena sjedišta i dr.), putnički automobili za pružanje pomoći na cestama, putnička PTT vozila i sl.

V - POREZ NA PROMET USLUGA TRGOVINE NA MALO I UGOSTITELJSTVA

Član 14.

Poreski obveznik poreza na promet usluga trgovine na malo i ugostiteljstva je pravno i fizičko lice koje obavlja usluge prometa na malo i usluge ugostiteljstva.

Član 15.

Poreska osnovica poreza na promet trgovine na malo i ugostiteljstva je ukupni iznos naknada za prodati proizvod odnosno obavljenju uslugu.

Izuzetno, poreska osnovica poreza na promet usluga trgovine na malo i ugostiteljstva pri zamjeni vozila staro za novo, odnosno obnovljenog upotrebljavanog vozila je pozitivna razlika između prodajne i nabavne cijene odnosno prodajna cijena novog vozila i vrijednosti koja se kupcu priznaje prilikom zamjene vozila u skladu sa zakonom.

Član 16.

Porez na promet usluga trgovine na malo i ugostiteljstva plaća se po stopi od 10%.

Član 17.

Obaveza obračunavanja poreza na promet usluga trgovine na malo i ugostiteljstva nastaje u času kada je obavljena usluga prometa na malo odnosno u času kada je obavljena ugostiteljska usluga.

Smatra se da su usluge iz stava 1. ovog člana obavljene u času izdavanja računa o obavljenju usluzi.

Član 18.

Porez na promet usluga trgovine na malo i ugostiteljstva ne plaća se na promet:

- naftnih derivata,
- električne energije,
- duhanskih preradevina,
- organskog i mineralnog gnojiva,
- lijekova,
- prigodnog kovanog novca, numizmatičkih kompleta, kovаница i zlatnog novca,
- dnevne štampe,
- kruha, mlijeka, masti, ulja i šećera,
- kahve i preradevina od kahve.

Član 19.

Porez na promet usluga trgovine na malo i ugostiteljstva plaća se u sredstvima plaćanja u kojima je utvrđena odnosno realizovana maloprodajna cijena proizvoda i usluga.

Član 20.

Porez na promet usluga trgovine na malo i ugostiteljstva poreski obveznik plaća u roku od pet dana po isteku sedmice.

VI - KAZNENE ODREDBE

Član 21.

Novčanom kaznom u iznosu od 1.000 do 8.000 DEM u dinarskoj protuvrijednosti po srednjem kursu koji utvrđuje i objavljuje Narodna banka Bosne i Hercegovine, na dan uplate kaznit će se za prekršaj poreski obveznik pravno lice:

1. ako ne obračuna ili netačno obračuna porez na promet usluga trgovine na malo i ugostiteljstva ili ako obračunati porez ne uplati u propisanom roku (čl. 16, 17. i 20.);
2. ako proizvode nabavljene uz poresko oslobođenje upotrijebi u druge svrhe za koje nije propisano poresko oslobođenje (član 3.);

3. ako u promet stavi uvozne cigarete koje nisu pakovane u paketićima za prodaju na malo (član 7. stav 1.);

4. ako uvozne cigarete prodaje po cijenama višim od utvrđenih (član 7. stav 2.);

5. ako uvozne cigarete stavi u promet bez nadzornih mar-kica ili ih provози bez propisanih dokumenata ili kupi takve cigarete (član 8.).

Uz novčanu kaznu pravnom ili fizičkom licu bit će izrečene i zaštitne mjere:

- oduzimanje proizvoda kojima je učinjen prekršaj,
- oduzimanje imovinske koristi ostvarene prekršajima iz ovog člana.

Pored zaštitnih mjera iz stava 2. ovog člana, poreskom obvezniku mogu se izreći i ove zaštitne mjere:

- zabrana prometa pojedinih proizvoda i uvoznih cigareta do godinu dana,
- oduzimanje odobrenja za uvoz cigareta do godinu dana,
- zatvaranje prodajnog prostora.

Za prekršaje iz stava 1. ovog člana kaznit će se i odgovorno lice u pravnom licu novčanom kaznom od 100 do 416 DEM u dinarskoj protuvrijednosti po srednjem kursu Narodne banke Bosne i Hercegovine na dan uplate.

Član 22.

Za prekršaje iz člana 21. stav 1. ovog zakona kaznit će se fizičko lice novčanom kaznom u iznosu od 100 do 416 DEM u dinarskoj protuvrijednosti po srednjem kursu koji utvrđuje i objavljuje Narodna banka Bosne i Hercegovine na dan uplate.

VII - POSEBNE ODREDBE

Član 23.

Uvoz nafte i naftnih derivata, alkohola i alkoholnih pića, bezalkoholnih pića, piva, duhana i duhanskih preradevina, kahve i preradevina od kahve, te zlata i proizvoda izrađenih od zlata i drugih plemenitih metala mogu obavljati pravna lica samo uz prethodnu potvrdu o izmirenim obavezama koju izdaje Ministarstvo financija-finsija i posebno odobrenje nadležnog republičkog organa.

Član 24.

Ministar finansija-fincija donijet će upustvo za primjenu odredaba ovog zakona u roku od 15 dana od dana stupanja na snagu ovog zakona.

VIII - PRIJELAZNE I ZAVRŠNE ODREDBE

Član 25.

Poreski obveznici iz člana 14. ovog zakona dužni su na dan stupanja na snagu ovog zakona izvršiti popis proizvoda na zalihama i utvrditi nove prodajne cijene sa ukalkulisanim porezom na promet usluga trgovine na malo i ugostiteljstva.

Zapisnik o izvršenom popisu iz stava 1. ovog člana poreski obveznici dužni su dostaviti Finansijskoj-financijskoj policiji.

Član 26.

Na uređivanje poreza na promet usluga iz ovog zakona, u dijelu u kojem to nije posebno regulisano ovim zakonom primjenjivat će se odredbe propisa o oporezivanju proizvoda i usluga u prometu.

Član 27.

Danom stupanja na snagu ovog zakona prestaje da važi Odluka o privremenom smanjivanju stopa osnovnog poreza na promet ("Službeni list RBiH", broj 24/94) u dijelu kojim je propisano smanjivanje stopa osnovnog poreza na promet iz Tar. broja 5. Tarife osnovnog poreza na promet.

Član 28.

Danom početka primjene člana 4. ovog zakona prestaju da važe odredbe propisa o oporezivanju proizvoda i usluga u prometu koje se odnose na plaćanje akontacije i sastavljanje i podnošenje obračuna akontacije poreza na promet proizvoda i poreza na promet usluga.

Član 29.

Ovaj zakon stupa na snagu danom objavljivanja u "Službenom listu RBiH", a član 4. ovog zakona primjenjivat će se od 1. januara-siječnja 1995. godine.

Predsjednik
Skupštine RBiH,
Miro Lazović, s. r.

531

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ

**O POTVRDIVANJU UREDBE SA ZAKONSKOM
SNAGOM O IZMJENAMA I DOPUNAMA ZAKONA O
VANJSKOTRGOVINSKOM POSLOVANJU**

Proglašava se Zakon o potvrđivanju Uredbe sa zakonskom snagom o izmjenama i dopunama Zakona o vanjskotrgovinskom poslovanju, koji je Skupština Republike Bosne i Hercegovine donijela na sjednici Skupštine od 17. decembra 1994. godine.

PR broj 1730/94
25. decembra 1994. godine
Sarajevo

Zamjenjuje predsjednika
Predsjedništva RBiH,
prof. dr Ejup Ganić, s. r.

ZAKON

**O POTVRDIVANJU UREDBE SA ZAKONSKOM
SNAGOM O IZMJENAMA I DOPUNAMA ZAKONA O
VANJSKOTRGOVINSKOM POSLOVANJU**

Član 1.

Potvrđuje se Uredba sa zakonskom snagom o izmjenama i dopunama Zakona o vanjskotrgovinskom poslovanju ("Službeni list RBiH", broj 34/94), koju je Predsjedništvo Republike Bosne i Hercegovine donijelo na osnovu Amandmana LI tačka 5. stav 3. na Ustav Republike Bosne i Hercegovine u funkciji Skupštine Republike Bosne i Hercegovine.

Član 2.

U Uredbi sa zakonskom snagom iz člana 1. ovog zakona riječi: "Uredba sa zakonskom snagom" zamjenjuju se riječju "Zakon".

Član 3.

Ovaj zakon stupa na snagu osmog dana od dana objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

532

Na osnovu člana 314. stav 2. Ustava Republike Bosne i Hercegovine, a u vezi sa članom 151. Poslovnika Skupštine Republike Bosne i Hercegovine - Prečišćeni tekst ("Službeni list RBiH", broj 30/94), Skupština Republike Bosne i Hercegovine na zajedničkoj sjednici vijeća Skupštine održanoj 17. decembra 1994. godine u Zenici, donijela je

DEKLARACIJU

**O SPRIJEČAVANJU GENOCIDA NAD BOŠNJACIMA I
HRVATIMA U BOSNI I HERCEGOVINI**

Uskoro će se navršiti 1.000 dana kako traje brutalna agresija na Republiku Bosnu i Hercegovinu, međunarodno priznatu zemlju i članicu Ujedinjenih nacija.

Agresiju je započela vojska bivše Jugoslavije, a rat protiv naše zemlje organizuju i vode Srbija i Crna Gora, koristeći, pored svojih grupa i ekstremne separatističke organizacije

bosanskih Srba. Prije mjesec dana agresija je proširena, jer su i pobunjeni Srbi iz UNPA zona u Hrvatskoj prešli granicu Bosne i Hercegovine i avionima, tenkovima, pješadijom i svim drugim raspoloživim sredstvima napali zaštićenu zonu Bihać.

Ovo nije običan rat. U Bosni i Hercegovini agresor vodi rat protiv civila, vršeći zločin genocida nad Bošnjacima i bosanskim Hrvatima. Srpski agresor je javno proklamovao svoj cilj da na prostorima koje je okupirao potpuno uništi Bošnjake i bosanske Hrvate. Radi ostvarivanja toga cilja vrše se masovna ubistva nezaštićenih civila - žena, djece i staraca. Organizovani su i koncentracioni logori čije su slike užasne civilizovani svijet. Veliki koncentracijski logori su zbog toga, u međuvremenu zamijenjeni, sa oko 150 manjih zatvora, u kojima se svakodnevno na zločinački način ubijaju Bošnjaci i Hrvati.

Agresor u okruženju već gotovo dvije godine drži Sarajevo, Gorazde, Srebrenicu, Bihaćku regiju i druga mjesta, u kojima se ukupno nalazi preko 600 hiljada Bošnjaka i Hrvata.

Ljudi u okruženim zonama mjesecima ne dobivaju hranu, vodu, električnu energiju, lijekove i druge osnovne potrebe za život.

Stotine konvoja koji nose humanitarnu pomoć agresor vraća ili oduzima naočigled prisutnih snaga UN-a. Okružena područja su izložena svakodnevnom artiljerijskom granatiranju čija je jedina svrha da se ubije što više Bošnjaka i Hrvata.

Bošnjaci i Hrvati u okruženim zonama namjerno su podvrgnuti životnim uslovima koji treba da dovedu do njihovog potpunog uništenja.

Ovdje se događa zločin genocida koji televizijske kamere prenose u cijeli svijet.

Zato se pozivamo na Konvenciju o sprečavanju i kažnjavanju zločina genocida i tražimo pomoć svih zemalja članica Ujedinjenih nacija.

Radi sprječavanja daljeg genocida u Bosni i Hercegovini, očekujemo od svih demokratskih zemalja:

- da parlamenti izraze moralnu i političku osudu genocida nad Bošnjacima i bosanskim Hrvatima;
- da odmah pošalju u Bosnu i Hercegovinu nezavisne eksperte koji će utvrditi činjenice o genocidu i pružiti pomoć u sprječavanju i kažnjavanju zločina genocida;
- da omoguće javno prezentiranje podataka o genocidu putem štampe, radija i televizije;
- da doprinesu stvaranju potrebnih uslova za efikasan rad Međunarodnog suda za ratne zločine;
- da podrže zahtjeve za sprječavanje genocida koje će Vlada Republike Bosne i Hercegovine uputiti Ujedinjenim nacijama, u skladu sa članom 8. Konvencije o sprječavanju i kažnjavanju zločina genocida;
- da uskrate svaku pomoć izvršiocima genocida i njihovim saučesnicima, te sa njima prekinu sve vidove saradnje.

Vaša je obaveza da u skladu sa međunarodnim pravom pomognete ljudima koje ubijaju samo zato što su Bošnjaci ili bosanski Hrvati. Ako se zločin genocida sada ne spriječi i ne kazni, to će značiti legalizaciju genocida kao sredstva za ostvarivanje političkih ciljeva i potpuni poraz svih normi međunarodnog prava.

Ovu deklaraciju dostaviti parlamentima svih zemalja članica Ujedinjenih nacija.

Ovu deklaraciju objaviti u "Službenom listu RBiH".

S broj 210
17. decembra 1994. godine
Sarajevo

Predsjednik
Skupštine RBiH,
Miro Lazović, s. r.

533

Na osnovu člana 314. stav 2. Ustava Republike Bosne i Hercegovine, a u vezi sa članom 151. Poslovnika Skupštine Republike Bosne i Hercegovine - Prečišćeni tekst ("Službeni list RBiH", broj 30/94), Skupština Republike Bosne i Hercegovine, na zajedničkoj sjednici vijeća Skupštine održanoj 17.

decembra 1994. godine u Zenici, donijela je

DEKLARACIJU O PRUŽANJU POMOĆI OKRUGU BIHAĆ

Više od četrdesetpet dana svim raspoloživim sredstvima Karadžićevi četnici iz Bosne i Hercegovine u sadejstvu sa srpskim vojnim formacijama iz UNPA zona u Republici Hrvatskoj i Abdićevim izdajnicima i uz punu podršku i pomoć u materijalno-tehničkim sredstvima i regularnim jedinicama tzv. Jugoslavije, napadaju Okrug Bihać.

Srbijansko-crnogorski agresor u potpunoj blokadi dvije i po godine drži Okrug Bihać i ne dozvoljava i više od šest mjeseci prolazak humanitarnih konvoja sa neophodnom hranom i lijekovima za ugroženo stanovništvo. Neprijateljska ofanziva prouzrokovala je ogromna materijalna razaranja i civilne žrtve, te povećala ionako veliki broj prognanika što je tešku humanitarnu situaciju još više pogoršalo.

Imajući u vidu katastrofalno stanje u kojem se nalazi stanovništvo Okruga Bihać, Skupština Republike Bosne i Hercegovine, zahtijeva da:

- Predsjedništvo RBiH, Vlada RBiH, Ministarstvo vanjskih poslova, Ministarstvo odbrane, Ministarstvo unutrašnjih poslova i drugi republički organi u okviru svojih ovlaštenja, kako na političkom tako i na vojnom planu poduzmu sve mjere da se olakšaju i prekinu patnje stanovništva Okruga Bihać;

- Armija Republike Bosne i Hercegovine i dalje čini napore u pružanju pomoći Petom korpusu koji herojskom borbom i nadljudskim snagama ne dozvoljava agresoru da ostvari svoje ciljeve;

- se hitno pruži pomoć u hrani, lijekovima i svim drugim neophodnim sredstvima za preživljavanje stanovništva u nastupajućoj zimi;

- nadležni organi Republike Bosne i Hercegovine zahtijevaju od UNPROFOR-a i međunarodnih humanitarnih organizacija da u skladu sa relevantnim rezolucijama Savjeta sigurnosti UN osiguraju zaštitu sigurnosne zone Bihać i nesmetan prolaz konvoja sa humanitarnom pomoći.

Skupština Republike Bosne i Hercegovine se obraća Saboru i Vladi Republike Hrvatske za pružanje neophodne pomoći u slamanju ofanzive na Okrug Bihać jer je to interes ne samo Republike Bosne i Hercegovine, nego i Republike Hrvatske.

Zadužuju se nadležni organi Republike Bosne i Hercegovine za održavanje stalnih kontakata sa organima Okruga Bihać u cilju što uspješnije realizacije navedenih stavova.

Ovu deklaraciju objaviti u "Službenom listu RBiH".

S broj 211
17. decembra 1994.
* godine.

Predsjednik
Skupštine RBiH,
Miro Lazović, s. r.

534

Na osnovu tačke X Odluke o Protokolu Republike Bosne i Hercegovine ("Službeni list RBiH", broj 11/93), Predsjedništvo Republike Bosne i Hercegovine, na sjednici od 8. decembra 1994. godine, donijelo je

ODLUKU O RAZRJEŠENJU I POSTAVLJENJU ŠEFA PROTOKOLA REPUBLIKE BOSNE I HERCEGOVINE

I

Razrješava se dužnosti šefa Protokola Republike Bosne i Hercegovine mr NAIDA SUŠIĆ-MEHMEDAGIĆ.

II

Za šefa Protokola Republike Bosne i Hercegovine postavlja se EDIN ŠEHIĆ, dipl. ecc. iz Sarajeva.

III

Odluku objaviti u "Službenom listu RBiH".

Broj 02-111-819/94
8. decembra 1994. godine
Sarajevo

Predsjednik
Predsjedništva RBiH,
Alija Izetbegović, s. r.

535

Na osnovu člana 116. Poslovnika Predsjedništva Republike Bosne i Hercegovine ("Službeni list SRBiH", broj 37/91 i "Službeni list RBiH", br. 5/92 i 23/93), Predsjedništvo Republike Bosne i Hercegovine, na sjednici od 8. decembra 1994. godine, donijelo je

ODLUKU O RAZRJEŠENJU GENERALNOG SEKRETARA PREDSJEDNIŠTVA REPUBLIKE BOSNE I HERCEGOVINE

I

Razrješava se dužnosti generalnog sekretara Predsjedništva Republike Bosne i Hercegovine ZDRAVKO DURIČIĆ, radi dužeg nedolaska na posao.

II

Odluku objaviti u "Službenom listu RBiH".

Broj 02-111-820/94
8. decembra 1994. godine
Sarajevo

Predsjednik
Predsjedništva RBiH,
Alija Izetbegović, s. r.

536

Na osnovu člana 116. Poslovnika Predsjedništva Republike Bosne i Hercegovine ("Službeni list SRBiH", broj 37/91 i "Službeni list RBiH", br. 5/92 i 23/93), Predsjedništvo Republike Bosne i Hercegovine, na sjednici od 8. decembra 1994. godine, donijelo je

ODLUKU O IMENOVANJU GENERALNOG SEKRETARA PREDSJEDNIŠTVA REPUBLIKE BOSNE I HERCEGOVINE

I

Za generalnog sekretara Predsjedništva Republike Bosne i Hercegovine imenuje se SEJDA LIJA MUSTAFIĆ iz Sarajeva.

II

Odluku objaviti u "Službenom listu RBiH".

Broj 02-111-851/94
8. decembra 1994. godine
Sarajevo

Predsjednik
Predsjedništva RBiH,
Alija Izetbegović, s. r.

537

Na osnovu čl. 2. i 16. Zakona o pomilovanju ("Službeni list SRBiH", broj 17/77 i "Službeni list RBiH", br. 6/92 i 13/94) i člana 49. stav 2. Poslovnika Predsjedništva Republike Bosne i Hercegovine, Predsjedništvo Republike Bosne i Hercegovine, na sjednici od 25. decembra 1994. godine, donijelo je

ODLUKU O POMILOVANJU PO SLUŽBENOJ DUŽNOSTI

I

Oslobada se od daljeg izvršenja kazne zatvora, u cilju razmjene za lica zarobljena od strane agresora:

1. RISTIĆ (Milutina) LAZO.

II

Odluka stupa na snagu danom izvršene razmjene.

III

Ovlašćuje se Državna komisija za razmjenu ratnih zarobljenika da izvrši provođenje ove odluke.

IV

Odluku objaviti u "Službenom listu RBiH".

Broj 02-248-858/94 Zamjenjuje predsjednika
25. decembra 1994. godine Predsjedništva RBiH,
Sarajevo prof. dr Ejup Ganić, s. r.

538

Na osnovu Amandmana LI tačka 5. stav 3. na Ustav Republike Bosne i Hercegovine i čl. 90. i 91. Zakona o redovnim sudovima ("Službeni list SRBiH", br. 19/86, 25/88, 33/89 i "Službeni list RBiH", br. 6/92, 11/92 i 19/93), Predsjedništvo Republike Bosne i Hercegovine, na sjednici od 25. decembra 1994. godine, donijelo je

ODLUKU

O RAZRJEŠENJU SUDIJA REDOVNIH SUDOVA

I

Razrješava se dužnosti sudije Vrhovnog suda Bosne i Hercegovine DUŠANKA LUČIĆ, na lični zahtjev sa 15. novembrom 1994. godine, radi odlaska u penziju.

II

Razrješava se dužnosti sudije Vrhovnog suda Bosne i Hercegovine HADŽIMURATOVIĆ HAJRUDIN, na lični zahtjev sa 31. decembrom 1994. godine, radi odlaska u penziju.

III

Razrješava se dužnosti sudije Osnovnog suda u Konjicu SENADIN BEKTAŠEVIĆ, na lični zahtjev, radi odlaska na drugu dužnost.

IV

Odluku objaviti u "Službenom listu RBiH".

Broj 02-111-859/94 Zamjenjuje predsjednika
25. decembra 1994. godine Predsjedništva RBiH,
Sarajevo prof. dr Ejup Ganić, s. r.

539

Na osnovu Amandmana LI tačka 5. stav 3. na Ustav Republike Bosne i Hercegovine i člana 33. Zakona o javnom tužilaštvu ("Službeni list SRBiH", br. 19/86, 25/88, 33/89 i "Službeni list RBiH", br. 6/92, 9/92, 21/92 i 19/93), Predsjedništvo Republike Bosne i Hercegovine, na sjednici od 25. decembra 1994. godine, donijelo je

ODLUKU

O RAZRJEŠENJU ZAMJENIKA JAVNIH TUŽILACA

I

Razrješava se dužnosti zamjenika republičkog javnog tužioca u Republičkom javnom tužilaštvu DEŠANKA JEVĐEVIĆ, na lični zahtjev, radi odlaska u penziju.

II

Razrješava se dužnosti zamjenika višeg javnog tužioca u Višem javnom tužilaštvu u Sarajevu SABINA HUSREMOVIĆ, na lični zahtjev, radi odlaska u penziju.

III

Odluku objaviti u "Službenom listu RBiH".

Broj 02-011-860/94 Zamjenjuje predsjednika
25. decembra 1994. godine Predsjedništva RBiH,
Sarajevo prof. dr Ejup Ganić, s. r.

540

Na osnovu člana 11. Zakona o uslovima pod kojima se prava i obaveze i poslovi u zemlji mogu izvršavati i izražavati u stranim sredstvima plaćanja ("Službeni list RBiH", br. 16/94 i 33/94), u vezi člana 124. st. 1. i 4. Zakona o državnoj upravi - Novi prečišćeni tekst ("Službeni list RBiH", broj 26/93), ministar finansija izdaje

NAREDBU

O UPLATNIM RAČUNIMA DEVIZNIH PRIHODA BUDŽETA, NAČINU UPLAĆIVANJA TIH PRIHODA I IZVJEŠTAVANJA MINISTARSTVA FINANSIJA-MINISTARSTVA FINACIJA

Ovom naredbom propisuju se računi u Službi društvenog knjigovodstva Bosne i Hercegovine (u daljem tekstu: Služba) na koje će se uplaćivati devizni prihodi republičkog i općinskog budžeta, način uplaćivanja tih prihoda, kao i način izvještavanja Ministarstva finansija-Ministarstva finacija.

Prihodima republičkog i općinskog budžeta, prema ovoj naredbi, smatraju se devizni prihodi koji se ostvaruju u skladu sa zakonom i drugim propisima donesenim na osnovu zakona.

1. Obaveze prema Republici Bosni i Hercegovini

1.1. Obaveze prema Republici Bosni i Hercegovini (u daljem tekstu: Republika), uplaćuju se u korist partije evidentnog računa broj 845 nadležne carinarnice.

Na području carinarnice Tuzla, na primjer: obveznik obaveza prema Republici uplaćivat će ove obaveze na račun 12200-845-094 gdje je:

- 12200 - Operativni broj Službe;
- 845 - Broj evidentnog računa kod Službe;
- 094 - Brojčana oznaka općine Tuzla.

Prihode uplaćene po osnovu obaveza prema Republici, nadležna carinarnica sa ovog računa 845 raspoređuje na račun 840 otvoren kod Službe u sjedištu okruga: Doboj, Mostar, Sarajevo, Travnik, Tuzla, Zenica i to:

- 1) na račun br.-840-.....- 19 - Obaveze prema Republici za naftu i naftne derivate;
- 2) na račun br.- 840-.....- 27- Obaveze prema Republici za uvozne duhanske preradevine.

Na području carinarnice Sarajevo, na primjer: carinarnica Sarajevo raspoređit će obaveze prema Republici za naftu i naftne derivate na

- račun br. 10100-840-079-19, gdje je:
- 10100 - operativni broj Službe;
- 840- evidentan br. računa kod Službe;
- 079- brojčana oznaka općine-sjedište okruga;
- 19-br. računa na koji se vrši uplata.

2. Carine i posebne uvozne dažbine

2.1. Carine i posebne uvozne dažbine uplaćuju se u korist partije evidentnog računa broj 845 nadležne carinarnice.

Prihode uplaćene po osnovu carina i posebnih uvoznih dažbina nadležna carinarnica sa svog računa 845 raspoređuje na:

- 1) na račun br. 10100-840-079-00078 - Carina od pravnih lica za alkoholna pića, osvježavajuća bezalkoholna pića, mineralne i gazirane vode;
- 2) na račun br. 10100-840-079-00086 - Posebna dažbina za carinsko evidentiranje alkoholnih pića, osvježavajućih bezalkoholnih pića, mineralne i gazirane vode;
- 3) na račun br. 10100-840-079-00094 - Posebna dažbina za carinsko izravnjanje poreskog opterećenja uvoznih alkoholnih pića, osvježavajućih bezalkoholnih pića, mineralne i gazirane vode;
- 4) na račun br. 10100-840-079-00108 - Carina od pravnih lica za kahvu;

- 5) na račun br. 10100-840-079-00116 - Posebna dažbina za carinsko evidentiranje kahve;
 6) na račun br. 10100-840-079-00124 - Posebna dažbina za carinsko izravnanje poreskog opterećenja uvozne kahve.

3. Porez na promet proizvoda

3.1. Porez na promet proizvoda uplaćuje se u korist partije evidentnog računa broj 845 nadležne carinarnice.

Prihode uplaćene po osnovu poreza na promet nadležna carinarnica sa svog računa 845 raspoređuje na račun 840 otvoren kod Službe u sjedištu okruga: Doboj, Mostar, Sarajevo, Travnik, Tuzla, Zenica i to:

- 1) na račun br. - 840 - - 159 - Porez na promet domaćeg duhana i duhanskih preradevina;
- 2) na račun br. - 840 - - 167 - Porez na promet alkoholnih pića, osvježavajućih bezalkoholnih pića, mineralnih i gaziranih voda;
- 3) na račun br. - 840 - - 175 - Porez na promet za kahvu;
- 4) na račun br. - 840 - - 183 - Porez na promet visokotarifnih proizvoda za reprodukciju;
- 5) na račun br. - 840 - - 191 - Poseban porez na kahvu;
- 6) na račun br. - 840 - - 35 - Porez na promet usluga trgovine na malo i ugostiteljstva.

4. Porez za obnovu Republike

4.1. Porez za obnovu Republike uplaćuje se na uplatne račune kod svake jedinice Službe, odnosno na nivou svake općine i to:

- 1) na račun br. - 840 - - 205 - Porez za obnovu Republike na plaće i mjesečna primanja od inozemnog poslodavca;
- 2) na račun br. - 840 - - 213 - Porez za obnovu Republike na penzije;
- 3) na račun br. - 840 - - 221 - Porez za obnovu Republike po osnovu honorara;
- 4) na račun br. - 840 - - 230 - Porez za obnovu Republike na neto lična primanja građana koji samostalno obavljaju djelatnost.

5. Porezi građana i drugi prihodi

5.1. Porezi građana i drugi prihodi uplaćuju se na uplatne račune kod svake jedinice Službe, odnosno na nivou svake općine i to:

- 1) na račun br. - 840 - - 248 - Porez na dobit od privredne i profesionalne djelatnosti u paušalnom iznosu;
- 2) na račun br. - 840 - - 264 - Porez na imovinu;
- 3) na račun br. - 840 - - 256 - Dodatni porez na prihod od imovine i imovinskih prava i drugi prihodi.

6. Raspoređivanje prihoda

6.1. Sredstvima sa računa iz ove naredbe ne može se raspolagati prije njihovog prijenosa na devizni račun republičkog i općinskog budžeta.

Sredstvima republičkog budžeta smatraju se i prihodi koji se privremeno ustupaju okrugu.

7. Služba, sredstva sa računa iz ove naredbe prenositi će 7, 14, 22, 28. i posljednjeg dana u mjesecu, i to:

7.1. na devizni račun broj 10100-630-35-republički budžet 70% sredstva iz tačke 1. tačke 3. podtačka 1) do 5), 90% sredstva iz tačke 3. podtačka 6) i 100% sredstva iz tač. 2. i 4. ove naredbe.

7.2. na devizni račun budžeta okruga: Doboj, Mostar, Sarajevo, Travnik, Tuzla i Zenica 30% sredstva iz tačke 1. tačke 3. podtačke 1) do 5) i 10% sredstva iz tačke 3. podtačke 6) ove naredbe.

7.3. na devizni račun budžeta općine 100% sredstva iz tačke 5. ove naredbe.

8. Radi omogućavanja Službi da u rokovima iz tačke 7. ove naredbe raspoređi sredstva, nadležna carinarnica će svoju individualnu partiju otvorenu u okviru evidentnog računa broj 845 raspoređivati na odgovarajuće račune ove naredbe svakog 5, 12, 20. i 26. dana u mjesecu.

9. Vraćanje više uplaćenih, odnosno pogrešno uplaćenih prihoda vrši se putem virmanskog naloga korisnika sredstava kojima se više uplaćeni odnosno pogrešno uplaćeni prihodi vraćaju na račune korisnika, kojima ti prihodi pripadaju, ili na račune utvrđene ovom naredbom.

10. Služba će o izvršenim uplatama obavještavati Ministarstvo financija-Ministarstvo finansija na obrascu "Izveštaj o uplati i rasporedu prihoda, - "obrazac" D-B2", koji se utvrđuje u skladu sa računima iz ove naredbe.

Izveštaj iz stava 1. ove tačke Služba će dostaviti Ministarstvu finansija-Ministarstvu financija do 10-og u mjesecu za protekli mjesec.

11. Danom stupanja na snagu ove naredbe prestaje da važi Naredba o uplatnim računima deviznih prihoda budžeta, načinu uplaćivanja tih prihoda i izvještavanja Ministarstva finansija-Ministarstva finansija ("Službeni list RBiH", br. 19/94 i 32/94).

12. Ova naredba stupa na snagu danom objavljivanja u "Službenom listu RBiH".

Broj 05-6639/94
 26. decembra 1994. godine
 Sarajevo

Zamjenik ministra
 dr Izudin Kešetović, s. r.

541

Na osnovu člana 12. stav 3. Zakona o finansijskom poslovanju ("Službeni list RBiH", br. 2/92, 19/93 i 13/94) i člana 124. st. 1. i 4. Zakona o državnoj upravi - Novi prečišćeni tekst ("Službeni list RBiH", broj 26/93), ministar finansija donosi

NAREDBU

O USLOVIMA I NAČINU NAPLATE, RASPOLAGANJA I PLAĆANJA GOTOVIM NOVCEM

1. Pravno lice naplaćuje u gotovom novcu (dinarima ili devizama) vrijednost prodatih proizvoda i izvršenih usluga i potraživanja po drugim osnovama od građana, kao i od pravnih lica do iznosa utvrđenih ovom naredbom.

Pravno lice je dužno izdati odgovarajuću ispravu o izvršenoj naplati (priznanica, ovjeren račun i dr.).

2. Pravno lice podiže gotov novac sa žiro, deviznog i drugih računa radi isplate u gotovu i za održavanje visine blagajničkog maksimuma u skladu sa ovom naredbom.

3. Pravno lice, saglasno Zakonu o finansijskom poslovanju, može držati u svojoj blagajni gotov novac za gotovinska plaćanja do visine blagajničkog maksimuma.

Visinu blagajničkog maksimuma pravno lice utvrđuje, uz saglasnost organizacione jedinice službe društvenog knjigovodstva kod koje se vodi žiro-račun, na osnovu prosječnih dnevnih isplata iz blagajne u prethodnom mjesecu. Visinu blagajničkog maksimuma pravno lice utvrđuje do 5. u mjesecu za tekući mjesec.

U blagajnički maksimum ne ulazi gotov novac podignut namjenski sa žiro-računa za plaćanje iz tačke 4. ove naredbe.

Organizacione jedinice službe društvenog knjigovodstva su dužne dostaviti Ministarstvu finansija spisak pravnih lica koja nisu utvrdila blagajnički maksimum ili su taj maksimum nepravilno utvrdila. Rok dostavljanja spiska je 15. u tekućem mjesecu za prethodni mjesec.

Ministarstvo finansija će na bazi dostavljenih spiskova, do 25. u tekućem mjesecu, dati mišljenje o radu organizacionih jedinica - filijala službe.

4. Pravno lice može plaćati gotovim novcem:

a) plate i druga lična primanja ukoliko se isplata ne vrši putem tekućih računa i štednih knjižica;

b) poljoprivredne proizvode i sekundarne sirovine otkupljene, odnosno preuzete od zemljoradnika i građana, pod uslovom da ima mišljenje resornog ministarstva i saglasnost Ministarstva finansija,

c) akontacije putnih troškova i dnevnica, kao i putne troškove i dnevnice;

d) proizvode, usluge i druge obaveze pravnim licima ako pojedinačna isplata nije veća od 100 DEM računato po srednjem kursu Narodne banke Bosne i Hercegovine, na dan plaćanja;

e) druge isplate građanima koji, u smislu drugih propisa, nisu obavezni da imaju žiro-račun.

Izuzetno, pravno lice može, vršiti plaćanje iz stava 1. ove tačke i iz blagajničkog maksimuma, osim plata i drugih ličnih primanja.

5. U slučaju poremećaja koji se ispoljavaju u nedostatku gotovog novca za izvršenje gotovinskih isplata pravnim licima ovlašćuje se generalni direktor Službe društvenog knjigovodstva Bosne i Hercegovine (u daljem tekstu: Služba) da može limitirati visinu isplata u gotovom novcu po svim osnovama, osim isplata u svrhu odbrane zemlje i vršenja humanitarne djelatnosti.

Generalni direktor Službe može odobriti gotovinsku isplatu i iznad utvrđenih maksimuma, a najviše do iznosa sredstava na žiro i deviznom računu, u svrhu odbrane zemlje i vršenja humanitarne djelatnosti.

6. Pravno lice, ako je solventno, u skladu sa Zakonom o finansijskom poslovanju, može plaćati gotovim novcem koji potiče od dnevnog pazara i ostalih obračuna sa nadležnom organizacionom jedinicom Službe prilikom narednog uplaćivanja gotovog novca na žiro i devizni račun.

7. Gotov novac primljen po osnovu vršenja kreditnih i bankarskih poslova, banka i druga finansijska organizacija, može koristiti za isplate po tim osnovama i držati u blagajni do visine blagajničkog maksimuma.

Visinu blagajničkog maksimuma za ove namjene banka odnosno druga finansijska organizacija utvrđuje uz saglasnost organizacione jedinice Službe kod koje se vodi žiro-račun na osnovu prosječnih dnevnih isplata iz blagajne u posljednjih 30 dana.

Gotov novac za namjene iz stava 2. ove tačke, banka, odnosno druga finansijska organizacija može da podiže i kod nadležne organizacione jedinice Službe.

Iznos gotovog novca koji prelazi blagajnički maksimum banke i druge finansijske organizacije uplaćuje na svoj žiro-račun istog ili najkasnije narednog radnog dana.

8. Lutrija Bosne i Hercegovine, odnosno druga organizacija koja se u skladu sa zakonom ili drugim propisima može baviti organizovanjem igara na sreću (u daljem tekstu: Lutrija), može vršiti isplate po izvučenim srećkama i drugim potvrđama o učešću u igri na sreću gotovim novcem koji potiče od dnevnog pazara od prodaje srećaka i tih potvrda, s tim što je dužna izvršiti obračun tih isplata sa nadležnom organizacionom jedinicom Službe do 10. u mjesecu za prethodni mjesec.

Gotov novac koji potiče od dnevnog pazara, poslije izvršenih isplata iz stava 1. ove tačke Lutrija može držati u blagajni do visine blagajničkog maksimuma. Visinu blagajničkog maksimuma Lutrija utvrđuje uz saglasnost organizacione jedinice Službe kod koje se vodi žiro-račun na osnovu prosječnih dnevnih isplata iz blagajne u posljednjih 30 dana.

Gotov novac za namjene iz stava 1. ove tačke Lutrija može da podiže i kod nadležne organizacione jedinice Službe.

9. Centrala Službe dostavlja izvještaj Ministarstvu finansija do 15. u mjesecu za prethodni mjesec o podacima iz tač. 7. i 8. ove naredbe i predlaže mjere.

10. Pravna lica, u skladu sa ovom naredbom, ne mogu:

a) podizati gotovinu iznad utvrđenog blagajničkog maksimuma sa žiro i deviznih računa po bilo kom osnovu, osim u slučaju iz tačke 5. stav 2. ove naredbe;

b) vršiti transfer novca sa žiro-računa koji se odnosi na kupovinu i prodaju deviza. U svrhu kontrole transfera novca sa žiro-računa pravna lica su obavezna podnositi na uvid dokumenat po osnovu koga se vrši transfer (faktura, ugovor i dr.) iz kojeg se vidi da postoji dužničko-povjerilački odnos.

11. Visinu blagajničkog maksimuma, saglasno tački 3. stav 2, tački 7. stav 2. i tački 8. stav 2. ove naredbe, pravno lice je dužno uskladiti najkasnije u roku od 15 dana od dana stupanja na snagu ove naredbe.

12. Za neprovođenje radnji iz ove naredbe primjenjivat će se kaznene odredbe utvrđene u Zakonu o finansijskom poslovanju.

13. Danom stupanja na snagu ove naredbe prestaje da važi Naredba o uslovima i načinu naplate, raspolaganja i plaćanja gotovim novcem ("Službeni list RBiH", br. 3/92, 23/92, 14/93 i 22/93).

14. Ova naredba stupa na snagu danom objavljivanja u "Službenom listu RBiH".

Broj 01-021-7469/94

16. decembra 1994. godine
Sarajevo

Zamjenik ministra
dr Izudin Kešetović, s. r.

542

Na osnovu člana 39. stav 2. Zakona o primjeni Zakona o finansiranju općih društvenih potreba ("Službeni list RBiH", br. 11/92, 3/93, 8/93, 19/93, 27/93 i 13/94), ministar finansija donosi

UPUTSTVO

O FINANSIRANJU POTREBA ARMIIJE REPUBLIKE BOSNE I HERCEGOVINE IZ DIJELA REPUBLIČKIH PRIHODA KOJI SE USTUPAJU OKRUZIMA

1. Ovim uputstvom propisuje se ustupanje dijela republičkih prihoda okruzima za finansiranje dijela potreba Armije Republike Bosne i Hercegovine (u daljem tekstu: Armija RBiH).

2. Finansiranje dijela potreba Armije RBiH vrši se na slijedeći način:

Finansiranje dijela potreba Armije RBiH u ime Ministarstva finansija i Ministarstva odbrane obavlja okrug,

Dio potreba Armije RBiH putem okruga finansira se iz ustupljenih prihoda Republike Bosne i Hercegovine (u daljem tekstu: Republika), i to:

2.1. Devizni prihodi

- 30% republičkih prihoda ostvarenih na području okruga po osnovu poreza na promet proizvoda: nafte i naftnih derivata, duhana i duhanskih preradevina, alkoholnih pića, osvježavajućih bezalkoholnih pića, mineralnih i gaziranih voda, kahve: sirove, pržene, mljevene i ekstrakta ostvarenih u skladu sa Zakonom o uvozu, carini i porezu na promet pri uvozu određenih proizvoda ("Službeni list RBiH", br. 15/94 i 20/94) i

- 10% republičkog prihoda ostvarenog na području okruga od poreza na promet usluga trgovine na malo i ugostiteljstva u skladu sa Zakonom o dodatnom uređivanju poreza na promet proizvoda i usluga ("Službeni list RBiH", broj 36/94).

2.2. Dinarski prihodi

- 30% republičkih prihoda ostvarenih na području okruga od poreza na promet proizvoda: duhanskih preradevina, alkoholnih i bezalkoholnih pića ostvarenih u skladu sa Zakonom o porezu na promet duhanskih preradevina, alkoholnih i bezalkoholnih pića ("Službeni list RBiH", broj 15/94) i

- 10% republičkog prihoda ostvarenog na području okruga od poreza na promet usluga trgovine na malo i ugostiteljstva u

skladu sa Zakonom o dodatnom uređivanju poreza na promet proizvoda i usluga.

Potrebe Armije RBiH koje se finansiraju putem okruga su potrebe na ime ishrane za tekući obrok pripadnika Armije RBiH i porodičnih mjesečnih paketa pripadnika Armije RBiH i poro- dice ranjenih i poginulih boraca Armije RBiH.

3. Okrug iz ustupljenih republičkih prihoda finansira i rad okružnih organa.

4. Okrug podnosi Ministarstvu finansija Izvještaj o ostva- renim prihodima Republike koji se ustupaju okrugu i o izvršenim rashodima iz budžeta okruga na ime potreba Armije RBiH i rada okružnih organa, najkasnije do 10-og u mjesecu za protekli mjesec.

5. Okrugu na čijem području se ne ostvaruju republički prihodi Republika u republičkom budžetu obezbjeđuje sredstva za finansiranje rada okružnih organa.

6. Okružni organ uprave nadležan za inspeksijski nadzor i Finansijska policija vrše kontrolu provođenja ovog uputstva.

7. Izvještaj iz tačke 4. ovog uputstva sastavni je dio ovog uputstva.

8. Ovo uputstvo stupa na snagu danom objavljivanja u "Službenom listu RBiH".

Broj 05-021-6639/94

26. decembra 1994. godine
Sarajevo

Zamjenik ministra,
dr Izudin Kešetović, s. r.

Republika Bosna i Hercegovina

OKRUG

SJEDIŠTE

Datum

IZVJEŠTAJ

o ostvarenim prihodima Republike na području okruga koji se ustupaju okrugu i o izvršenim rashodima iz budžeta okruga za mjesec ----- godine

- u hiljadama -

a) Devizni dio

PRIHODI

1. Porez na promet nafte i naftnih derivata
2. Porez na promet duhana i duhanskih preradevina
3. Porez na promet alkoholnih i bezalkoholnih pića
4. Porez na promet kahve
5. Porez na promet usluga trgovine na malo i ugostiteljstva

RASHODI

1. Potrebe Armije RBiH
2. Rad okružnih organa (osim plata)

b) Dinarski dio

PRIHODI

1. Porez na promet duhana i duhanskih preradevina
2. Porez na promet alkoholnih i bezalkoholnih pića
3. Porez na promet usluga trgovine na malo

RASHODI

1. Potrebe Armije RBiH
2. Rad okružnih organa

Potpis ovlašćenog lica

543

Na osnovu člana 39. stav 2. Zakona o primjeni zakona o finansiranju općih društvenih potreba ("Službeni list RBiH", br. 11/92, 3/93, 8/93, 27/93 i 13/94), ministar financija/finan- sija, donosi

UPUTSTVO

O IZMJENAMA I DOPUNAMA UPUTSTVA O RAČUNIMA ZA UPLATU DINARSKIH BUDŽETSKIH PRIHODA, NAČINU UPLAĆIVANJA I NAČINU OBAVJEŠTAVANJA KORISNIKA TIH PRIHODA

1. U Uputstvu o računima za uplatu dinarskih budžetskih prihoda, načinu uplaćivanja i načinu obavješćavanja korisnika tih prihoda ("Službeni list RBiH", broj 27/94), u tački 2. podtačka 2 - riječ "Osnovni" na početku teksta i riječ "osnovni" iza riječi "i" briše se, a iza podtačke 21) dodaje se nova podtačka 22) koja glasi:

"22) na račun br. 840. -245- Porez na promet usluga trgovine na malo i ugostiteljstva."

Stav 3. briše se.

2. U tač. 3. i 5. riječ "organizaciona" u različitim padežima briše se.

3. Tačka 10. mijenja se i glasi:

"Sredstvima sa računa iz ovog uputstva ne može se raspo- lagati prije njihovog prijenosa na dinarski račun republičkog i općinskog budžeta. Na žiro-račun republičkog budžeta prenose se sredstva i to: carine i druge carinske dažbine, osnovni porez na promet, dio posebnog poreza na promet, 70% poreza na promet na domaće duhanske preradevine, 70% poreza na promet na alkoholna i bezalkoholna pića, 90% poreza na promet usluga trgovine na malo i ugostiteljstva, porez na dohodak, porez na dohodak za primarnu poljoprivrednu proiz- vodnju, porez iz čistih ličnih dohodaka, republičke, sudske i administrativne takse, pripadajući prihodi organa, doprinosi za djelatnosti: osnovnog, srednjeg i visokog obrazovanja, nauke, kulture, zdravstva, zapošljavanja i penzijsko-invalidskog osi- guranja.

Izuzetno od stava 1. ove tačke na žiro račun okruga: Doboj, Mostar, Sarajevo, Travnik, Tuzla i Zenica prenositi će se dio sredstava republičkog budžeta i to: 30% poreza na promet na duhanske preradevine, 30% poreza na promet na alkoholna i bezalkoholna pića i 10% poreza na promet usluga trgovine na malo i ugostiteljstva".

4. U tački 11. iza riječi "republičkog" dodaju se riječi "i općinskog".

5. Ovo uputstvo stupa na snagu danom objavljivanja u "Službenom listu RBiH".

Broj 05-6639/94

26. decembra 1994. godine
Sarajevo

Zamjenik ministra
dr Izudin Kešetović, s. r.

544

Na osnovu člana 52. stav 1. tačka 2. Zakona o zaštiti životinja od zaraznih bolesti koje ugrožavaju cijelu zemlju ("Službeni list RBiH", broj 2/92), ministar prostornog urede- nja, resursa i zaštite okoliša, donosi

NAREDBU

O PRESTANKU VAŽENJA NAREDBE O ZABRANI UVOZA U REPUBLIKU BOSNU I HERCEGOVINU I PROVOZA PREKO TERITORIJE REPUBLIKE BOSNE I HERCEGOVINE SVINJA, PROIZVODA, SIROVINA I OTPADAKA OD SVINJA IZ REPUBLIKE HRVATSKE

1. Prestaje da važi Naredba o zabrani uvoza u Republiku Bosnu i Hercegovinu pošiljki svinja, proizvoda, sirovina i otpadaka od svinja iz Republike Hrvatske ("Službeni list RBiH", broj 32/94).

2. Ova naredba objavljena je na oglasnoj tabli Ministarstva prostornog uređenja, resursa i zaštite okoliša dana 15. decem- bra 1994. godine, kada je i stupila na snagu, a objavit će se i u "Službenom listu RBiH".

Broj 01-1-335-115-3/94

15. decembra 1994. godine
Sarajevo

Ministar
Munever Imamović, s. r.

Ustavni sud Bosne i Hercegovine

Ustavni sud Bosne i Hercegovine, na osnovu člana 387. stav 1. tačka 2. Ustava Republike Bosne i Hercegovine i člana 72. tačka 3. Poslovnika Ustavnog suda Bosne i Hercegovine, na sjednici održanoj 13. oktobra 1994. godine, donio je

ODLUKU

Ukida se Odluka o organiziranju, povezivanju i funkcioniranju preduzeća termoelektrinskog sistema okruga Tuzla u ratnim uvjetima, koju je donijela Skupština Okruga Tuzla 28. 4. 1993. godine ("Službeni glasnik okruga Tuzla", broj 3/93).

Ova odluka će se objaviti u "Službenom listu RBiH".

Obrazloženje

Ustavni sud Bosne i Hercegovine, rješenjem od 4. 8. 1994. godine, pokrenuo je postupak za ocjenjivanje ustavnosti i zakonitosti navedene odluke, kojom je, između ostalog, propisano da se Termoelektrana "Tuzla", rudnici uglja "Kreka", "Banovići" i "Đurdevik", zajedničko preduzeće "Rudnici uglja Tuzla i "Elektro-Tuzla", te "Elektroprenos" Ljubac, dok traju ratna dejstva na području Republike, organizuju kao jedinstven termoelektrinski sistem (član 1.), te da Izvršni odbor okruga Tuzla, privremeno, dok traju ratne okolnosti, preuzima nadležnosti u oblasti formiranja cijena električne energije i uglja i utvrđivanje kriterija za valorizaciju cijene do sada isporučene, a neisplaćene električne energije i uglja (član 4.).

Prema Ustavu Republike Bosne i Hercegovine organizacije udruženog rada, sada preduzeća, koje kao jedinstveni tehnološki sistem obavljaju djelatnosti u oblasti elektroprivrede, željezničkog saobraćaja i poštansko-telefonsko-telegrafskog saobraćaja obavezno se udružuju u zajednice za teritoriju Republike Bosne i Hercegovine (Amendman XXII na Ustav Republike Bosne i Hercegovine tačka 6. stav 1.). Republika preko republičkih organa, u okviru svojih prava i dužnosti utvrdjenih Ustavom, uređuje društvenu kontrolu cijena i obezbjeđuje neposrednu kontrolu cijena robe i usluga od interesa za Republiku i obavezno udruživanje organizacija udruženog rada, sada preduzeća, u zajednice (član 304. stav 1. tačka 7.).

Zakonom o elektroprivredi ("Službeni list RBiH", br. 1/93 i 13/94), propisano je da elektroenergetski sistem Republike Bosne i Hercegovine predstavlja tehnološku i ekonomsku cjelinu na teritoriji Republike, a sačinjavaju ga: proizvodnja, prenos i distribucija električne energije i upravljanje elektroenergetskim sistemom (član 2.). Radi proizvodnje, prijenosa, distribucije električne energije i upravljanja elektroenergetskim sistemom, trajnog i sigurnog snabdijevanja potrošača kvalitetnom električnom energijom, privrednog razvoja Republike, ostvarivanja tehničko-tehnološke cjeline elektroprivredne djelatnosti, stabilnosti elektroenergetskog sistema u cjelini ili pojedinih dijelova, Skupština Republike Bosne i Hercegovine osniva Javno preduzeće Elektroprivreda Bosne i Hercegovine (član 7.). Osnovne djelatnosti Javnog preduzeća su proizvodnja, prijenos i distribucija električne energije, upravljanje elektroenergetskim sistemom i izvoz i uvoz električne energije (član 10. stav 1.). Javno preduzeće, kao jedinstven pravni subjekt, organizira se na funkcionalnom, procesno-radnom i teritorijalnom principu (član 14. stav 1.). Cijene električne energije i datum njihovog stupanja na snagu u Republici, utvrđuju se na osnovu Pravilnika o obrazovanju cijena električne energije. Pravilnik donosi Upravni odbor Javnog preduzeća, a na njega saglasnost daje Vlada (član 45.). Kao elektroprivredna preduzeća koja je osnovalo Javno preduzeće, nabrojani su između ostalih, Elektroprivredno preduzeće u društvenoj svojini za proizvodnju električne energije "Termoelektrana" Tuzla i Elektroprivredno preduzeće u društvenoj svojini "Elektro-Tuzla", sa potpunom odgovornošću, Tuzla. Sva nabrojana preduzeća prestaju sa radom kao samostalni pravni subjekti 31. decembra 1992. godine i od 1. januara 1993. godine nastavljaju sa radom kao dijelovi Javnog preduzeća (član 69.).

Iz navedenog proizilazi da se preduzeća, koja kao jedinstveni tehnološki sistemi obavljaju djelatnost u oblasti elektroprivrede obavezno udružuju u zajednicu za teritoriju Republike, te da je Republika ovlaštena da uređuje udruživanje ovih preduzeća u zajednice, kao i društvenu kontrolu cijena robe i usluga od interesa za Republiku. Ova ovlaštenja Republika je iskoristila donošenjem Zakona o elektroprivredi kojim je osnovano Javno preduzeće "Elektroprivreda" Bosne i Hercegovine, čije su osnovne djelatnosti proizvodnja, prenos i distribucija električne energije i upravljanje elektroenergetskim sistemom. Ovim zakonom je uređen i način utvrđivanja cijena električne energije na teritoriji Republike.

Zbog toga, po ocjeni Ustavnog suda, Skupština okruga Tuzla nije imala ovlaštenje da osporenom odlukom organizuje zaseban termoelektrinski sistem na području okruga Tuzla u čijem sastavu se nalaze nekadašnja elektroprivredna preduzeća, a sada dijelovi Javnog preduzeća "Elektroprivreda" Bosne i Hercegovine, kao i rudnici uglja, niti je mogla ovlastiti Izvršni odbor okruga Tuzla da formira cijene električne energije na području Okruga. Stoga osporena odluka, po ocjeni Ustavnog suda, nije u saglasnosti sa Ustavom i zakonom.

Odluka U broj 11/94
13. oktobra 1994. godine
Sarajevo
Prava i dužnosti predsjednika
Ustavnog suda BiH vrši sudija,
prof. dr Ismet Dautbašić, s. r.

Ustavni sud Bosne i Hercegovine, na osnovu člana 387. stav 1. tačka 2. Ustava Republike Bosne i Hercegovine i člana 72. tačka 3. Poslovnika Ustavnog suda Bosne i Hercegovine, na sjednici održanoj 17. oktobra 1994. godine, donio je

ODLUKU

Poništava se Naredba o naplati carine i ostalih uvoznih dažbina u devizama broj 03/1-483-150/94 od 28. 4. 1994. godine, koju je donio Izvršni odbor okruga Tuzla.

Ova odluka objavit će se u "Službenom listu RBiH".

Obrazloženje

Prijedlogom D. O. O. "Soli" Tuzla, od 17. 5. 1994. godine, pokrenut je postupak za ocjenjivanje ustavnosti i zakonitosti navedene naredbe, kojom je, između ostalog, propisano da su uvoznici roba dužni carinu i carinske dažbine, kao i porez na promet proizvoda koji se plaća kod Carinarnice, platiti u DEM na devizni račun Carinarnice otvoren kod DD "Tuzlanska banka" Tuzla.

Prema Ustavu Republike Bosne i Hercegovine Republika preko republičkih organa, u okviru svojih prava i dužnosti utvrdjenih Ustavom, uređuje sistem taksa i drugih dažbina (član 304. stav 1. tačka 8.), a sistem, izvori i vrste poreza, taksa i ostalih dažbina uređuju se zakonom (član 292.).

Zakonom o obrazovanju i radu okruga ("Službeni list RBiH", br. 12/92, 14/92, 18/92 i 3/93) propisano je, između ostalog, da u oblastima koje se uređuju republičkim propisima, okružni organi u okviru svojih prava i dužnosti mogu, ako interesi odbrane i zaštite i hitnost uređivanja određenih pitanja i odnose od neposrednog interesa za okrug, ukoliko te propise blagovremeno ne mogu donijeti nadležni republički organi (član 4. stav 2.).

Iz navedenih ustavnih i zakonskih odredaba proizilazi da se sistem carina uređuje zakonom, te da okružni organi mogu, ukoliko zakon nije donesen, uz ispunjenje određenih uslova, te odnose urediti.

Međutim, oblast carina uređena je Uredbom sa zakonskom snagom o carinskom zakonu ("Službeni list RBiH", br. 2/92 i 27/93), sada Zakon, u smislu člana 2. Zakona o potvrđivanju uredbi sa zakonskom snagom ("Službeni list RBiH", broj 13/94). Navedenim zakonom uređen je sistem zaštite bosansko-hercegovačke privrede, prava i obaveze svih subjekata u postupku carinjenja robe, određen pojam carinskog područja, carinske linije, carinskog pograničnog pojasa, carinskog nad-

zora i regulisana druga pitanja koja se odnose na sistem carinske zaštite i postupak carinjenja robe (član 1.).

S obzirom na navedeno okrug Tuzla, odnosno Izvršni odbor okruga Tuzla, nema ovlaštenje da uređuje sistem carina, pa je Naredba o naplati carine i ostalih dažbina u devizama u nesaglasnosti sa Ustavom i Zakonom.

Odluka U broj 17/94 Prava i dužnosti predsjednika
17. novembra 1994. godine Ustavnog suda BiH vrši sudija,
Sarajevo prof. dr Ismet Dautbašić, s. r.

Ustavni sud Bosne i Hercegovine, na osnovu člana 387. stav 1. tačka 2. Ustava Republike Bosne i Hercegovine i člana 72. tačka 3. Poslovnika Ustavnog suda Bosne i Hercegovine, na sjednici održanoj 6. oktobra 1994. godine, donio je

ODLUKU

Ukida se tačka 37. i dio tačke 38. koji glasi: "podnese zahtjev nadležnom organu da" Uputstva o radu finansijske policije, koje je donio generalni direktor Službe društvenog knjigovodstva Bosne i Hercegovine ("Službeni list RBiH", broj 9/92).

Ova odluka objavit će se u "Službenom listu RBiH".

Obrazloženje

Prijedlogom Dioničarskog društva u mješovitoj svojini "Sarajevska pivara" Sarajevo, od 19. 1. 1994. godine, pokrenut je postupak za ocjenjivanje zakonitosti navedenih odredaba Uputstva, kojima je propisano da finansijski policajac rješenjem nalaže otklanjanje utvrđene nezakonitosti u roku od tri dana i da žalba ne zadržava izvršenje rješenja (tačka 37.), a da je u slučaju neotklanjanja nezakonitosti u određenom roku finansijski policajac dužan da za pravno lice donese zabranu raspolaganja sredstvima na žiro račun, do momenta otklanjanja nezakonitosti, a za fizičko lice da podnese zahtjev nadležnom organu da donese rješenje o zabrani za obavljanje djelatnosti (tačka 38.).

Predlagač smatra da osporene odredbe nisu u saglasnosti sa čl. 96, 97. i 98. Zakona o Službi društvenog knjigovodstva.

U odgovoru donosilac akta ističe da osporene odredbe Uputstva imaju osnov u članu 9. stav 2. Zakona o primjenjivanju Zakona o opštem upravnom postupku koji je preuzet kao republički zakon, za vrijeme neposredne ratne opasnosti ili za vrijeme ratnog stanja.

Zakonom o Službi društvenog knjigovodstva ("Službeni list RBiH", br. 2/92, 10/94 i 13/94) propisano je, između ostalog, da u obavljanju poslova u kojima ima javna ovlaštenja Služba primjenjuje odredbe zakona kojima se uređuju opšti upravni postupak i upravni spor, ako ovim zakonom nije drugačije određeno (član 10. stav 2.). Ako se u određenom roku ne uklone nezakonitosti finansijski policajac je dužan da za pravno lice donese zabranu raspolaganja sredstvima na žiro račun, a za fizičko lice zabranu obavljanja djelatnosti (član 79. stav 3.). Za sprovođenje odredaba ovog Zakona koji se odnose na finansijsku policiju ovlašćuje se generalni direktor Službe da svojim uputstvom bliže uredi primjenu i postupak (član 81. stav 1.). Protiv rješenja Službe donesenih u postupku finansijskog nadzora pravno lice može u roku od 15 dana od dana dostave rješenja izjaviti žalbu generalnom direktoru Službe. Žalba odlaze izvršenje rješenja (član 98. st. 1. i 2.).

S obzirom da je osporenim odredbama Uputstva propisano da žalba ne zadržava izvršenje rješenja, te da je u slučaju neotklanjanja nezakonitosti u određenom roku finansijski policajac dužan da za fizičko lice podnese zahtjev nadležnom organu da donese rješenje o zabrani za obavljanje djelatnosti, to ove odredbe, po ocjeni Ustavnog suda, nisu u saglasnosti sa zakonom.

Osporene odredbe ne mogu imati osnov u Zakonu o primjenjivanju Zakona o opštem upravnom postupku koji je preuzet kao republički zakon, za vrijeme neposredne ratne opasnosti ili za vrijeme ratnog stanja ("Službeni list RBiH", br. 6/92, 21/93

i 13/94), jer je Zakonom o preuzimanju Zakona o opštem upravnom postupku ("Službeni list RBiH", br. 2/92, 16/93 i 13/94) propisano da se pojedina pitanja postupka za određenu oblast mogu posebnim zakonom urediti drugačije nego što su uređena tim Zakonom (član 2.).

Odluka U broj 25/94
6. oktobra 1994. godine
Sarajevo

Prava i dužnosti predsjednika
Ustavnog suda BiH vrši sudija,
prof. dr Ismet Dautbašić, s. r.

Narodna banka Bosne i Hercegovine

Na osnovu čl. 16. i 82. stav 1. pod a)/8. Zakona o Narodnoj banci Bosne i Hercegovine ("Službeni list RBiH", br. 1/93 i 13/94), guverner Narodne banke Bosne i Hercegovine, donosi

ODLUKU

O KAMATNIM STOPAMA NARODNE BANKE BOSNE I HERCEGOVINE

1. Opšta eskontna stopa Narodne banke Bosne i Hercegovine (u daljem tekstu: Narodna banka) iznosi 20%.

Narodna banka naplaćuje kamatu na kredite i druga potraživanja po opštoj eskontnoj stopi ukoliko ovom odlukom nije drugačije propisano.

2. Narodna banka naplaćuje kamatu na određene kredite i druga potraživanja po kamatnim stopama, kako slijedi:

a) na kredite i druga potraživanja gdje nije ugovorena promjenljiva kamatna stopa, po ugovorenoj kamatnoj stopi,

b) na kredite korištene do dana stupanja na snagu ove odluke koji su odobreni iz sredstava depozita društveno-političkih zajednica, po kamatnoj stopi od 10%,

c) na kredite Republici Bosni i Hercegovini, po kamatnoj stopi od 6%.

Izuzetno od stava 1. ove tačke, na kredite po osnovu definitivne prodaje deponovane devizne štednje građana, na iznos odobrene dinarske protuvrijednosti, po kamatnoj stopi od 1%.

3. Narodna banka plaća kamatu na deponovana sredstva kod Narodne banke, po kamatnim stopama, kako slijedi:

a) na obavezan upis blagajničkih zapisa sa rokom dospelja petnaest dana, mjesec i tri mjeseca, po kamatnoj stopi od 4%, a sa rokom dospelja šest i dvanaest mjeseci, po kamatnoj stopi od 5%,

b) na dobrovoljan upis blagajničkih zapisa sa rokom dospelja mjesec i tri mjeseca, po kamatnoj stopi od 5%, a sa rokom dospelja šest i dvanaest mjeseci, po kamatnoj stopi od 6%,

c) na upisane blagajničke zapise do stupanja na snagu ove odluke, po kamatnoj stopi u skladu sa propisima koji su se primjenjivali do stupanja na snagu ove odluke,

d) na izdvojena sredstva obavezne rezerve, po kamatnoj stopi od 5%.

4. Na kredite i druga potraživanja koja nisu vraćena u ugovorenom roku kao i nenamjenski i nepropisno korištene kredite, na iznos sredstava korištenih iznad iznosa raspoloživog pokrića na žiro računima banaka i drugih depozitnih organizacija i na iznos razlike između propisane i ostvarene minimalne likvidnosti u novčanim sredstvima i u blagajničkim zapisima, na osnovu propisa o načinu održavanja minimalne likvidnosti i posebne rezerve likvidnosti, po kamatnoj stopi od 30%.

5. Na kredite i druga potraživanja Narodna banka će ugovarati promjenljive kamatne stope u skladu sa promjenama ove odluke.

6. Na kredite koje banke daju krajnjim korisnicima na osnovu određenih isprava za propisane namjene, banke, na refinansirani iznos tih kredita kod Narodne banke naplaćuju kamatu, po kamatnoj stopi koja ne može biti veća od kamatne stope Narodne banke uvećane do jednog procentnog poena.

ODLUKU O UTVRĐIVANJU VISINE, NAČINA I ROKOVA ZA OBRAČUNAVANJE I IZDVAJANJE OBAVEZNE REZERVE

1. Banke i druge depozitne organizacije (u daljem tekstu: Banke) su dužne da obračunavaju i izdvajaju obaveznu rezervu na poseban račun kod Narodne banke Bosne i Hercegovine (u daljem tekstu: Narodna banka) u visini, na način i u rokovima propisanim ovom odlukom.

2. Banke obračunavaju i izdvajaju obaveznu rezervu na depozite:

a) po videnju i sa rokom dospijeca do tri mjeseca, po stopi od 20%,

b) sa rokom dospijeca od tri i više mjeseci, po stopi od 5%.

Banke neće obračunavati i izdvajati obaveznu rezervu na depozite koji se vode na posebnim računima kod banaka namijenjenim za odbrambene potrebe, humanitarnu pomoć, opravku stanova za smještaj i povratak izbjeglica, osposobljavanje i uključivanje invalida rata u proces rada i druge depozite za otklanjanje posljedica ratom razorene zemlje.

3. Obavezna rezerva se obračunava i izdvaja mjesečno.

Obračun obavezne rezerve banke sastavljaju do četrnaestog u mjesecu računajući prosječno stanje depozita iz tačke 2. ove odluke na osnovu dekadnih knjigovodstvenih stanja proteklog mjeseca.

4. Banke izdvajaju obaveznu rezervu kod Narodne banke prenošenjem sredstava na poseban račun izdvojene obavezne rezerve banaka koji se vodi kod organizacije ovlaštene za obavljanje platnog prometa do petnaestog u mjesecu za protekli mjesec.

5. Obračun obavezne rezerve banke sastavljaju na obrascu koji je sastavni dio ove odluke.

Obrazac iz stava 1. ove tačke banke dostavljaju Narodnoj banci i zajedno sa nalogom o izdvajanju obavezne rezerve odnosno vraćanju u odnosu na prethodni obračun, organizaciji ovlaštenoj za obavljanje platnog prometa.

6. Banke su dužne da za korištena sredstva obavezne rezerve obračunaju naknadu do petnaestog u mjesecu za protekli mjesec i obračunatu naknadu plate Narodnoj banci do dvadesetog u mjesecu za protekli mjesec, po stopi od 20%.

7. Banke koje nepravilno obračunavaju obaveznu rezervu ili koje u propisanom roku ne izdvajaju obaveznu rezervu su dužne da za iznos manje obračunate i izdvojene obavezne rezerve obračunaju povećanu naknadu do petnaestog u mjesecu za protekli mjesec i obračunatu povećanu naknadu plate Narodnoj banci do dvadesetog u mjesecu za protekli mjesec, po stopi od 30%.

8. Stope naknade i povećane naknade iz tač. 6. i 7. ove odluke obračunavaju se i naplaćuju na mjesečnom nivou, metodom komformnih koeficijenata.

9. Danom stupanja na snagu ove odluke prestaje da važi Odluka o obaveznoj rezervi banaka kod Narodne banke Bosne i Hercegovine ("Službeni list RBiH", broj 14/93) i Odluka o izmjeni Odluke o obaveznoj rezervi banaka kod Narodne banke Bosne i Hercegovine ("Službeni list RBiH", broj 19/94).

10. Ova odluka stupa na snagu danom objavljivanja u "Službenom listu RBiH".

G broj 83/94
21. decembra 1994. godine
Sarajevo

Guverner
Narodne banke BiH,
Kasim Omićević, s. r.

(naziv banke)

(sjedište)

OBRAZAC OR.

Obračun obavezne rezerve prema stanju
sredstava u199... godini

- u hiljadama dinara -

Redni broj	Broj pozicije pasive bilansa banaka	Naziv pozicije	Stanje	sredstava	na dan
			10.	20.	30.
1	2	3	4	5	6
		I Depoziti po videnju i sa rokom dospijeca do 3 mjeseca			
1.	Pozicija 8. pod 1 i 3	Depozitni novac			
2.	Pozicija 9.	Ostali depoziti po videnju			
3.	Pozicija 10.	Ograničeni depoziti			
4.	Pozicija 11. pod 3.	Ostali depoziti sa rokom dospijeca do 1 mjeseca i preko 1 mjeseca			
5.	Pozicija 11. pod 5. - dio	Obaveze po izdatim vrijednosnim papirima - dio sa rokom dospijeca ispod tri mjeseca			

1	2	3	4	5	6
6.	Pozicija 12. - dio	Obaveze po kratkoročnim kreditima od KDS-samo dio sa rokom do 3 mjeseca			
7.	Pozicija 13. - dio	Udružena sredstva-samo dio sa rokom do 3 mjeseca			
8.	Pozicija 14. pod 2. -dio	Obaveze po kreditima prema drugim bankarskim i depozitnim organizacijama sa rokom do 3 mjeseca			
9.	Račun 2559	Primljeni avansi za ostale namjene			
10.	Račun 2543	Obaveze za neraspoređeni priliv po osnovu platnog prometa sa inostranstvom koji se isplaćuje u dinarima			
11.		Ostatak deponovanih sredstava iz II dijela ovog obrasca po kojima su djelimično povučena sredstva prije isteka ugovorenog roka			
12.		Ukupno I - depoziti po viđenju (redni broj 1. do 11.)			
13.		Odbitne stavke - svega			
		Depoziti za: odbrambene potrebe, humanitarnu pomoć, opravku stanova za smještaj i povrat izbjeglica, osposobljavanje i uključivanje invalida rata u proces rada i drugi depoziti za otklanjanje posljedica ratom razorene zemlje. *)			
14.		Ukupni depoziti (redni broj 12. minus redni broj 13.)			
15.		Osnovica za obračun obavezne rezerve - dekadni prosjek iz rednog broja 14			
16.		Iznos obavezne rezerve (propisani procenat od iznosa pod rednim brojem 15.)			
		II Depoziti sa rokom dospjeća od 3 i više mjeseci			

1

17.

18.

19.

20.

21.

22.

23.

24.

25.

26.

27.

28.

29.

1	2	3	4	5	6
17.	Pozicija 11. pod 1 i 14.	Depoziti sa rokom dospijeca duzim od 3 mjeseca	_____	_____	_____
18.	Pozicija 11. pod 5. -dio	Obaveze po izdatim vrijednosnim papirima- dio sa rokom dospijeca na 3 i više mjeseci	_____	_____	_____
19.	Pozicija 13. - dio i	Udružena sredstva - sred- stva udružena na rok duži od 3 mjeseca	_____	_____	_____
20.	Pozicija 21.	Dugoročni depoziti	_____	_____	_____
21.	Pozicija 22.	Dugoročne obaveze po izdatim vrijednosnim papirima	_____	_____	_____
22.	Pozicija 12. - dio i Pozicija 23.	Obaveze po kreditima od KDS sa rokom duzim od 3 mjeseca	_____	_____	_____
23.	Pozicija 14. pod 2 - dio i Pozicija 25. pod 2- dio	Obaveze po kreditima prema drugim bankar- skim i depozitnim orga- nizacijama sa rokom duž- im od 3 mjeseca	_____	_____	_____
24.		Ukupno II - depoziti sa rokom dospijeca (redni broj 17. do 23.)	_____	_____	_____
25.		Odbitne stavke - svega	_____	_____	_____
		Depoziti za: odbrambene potrebe, humanita- rnu pomoć, opravku sta- nova za smještaj i povra- tak izbjeglica, osposoblja- vanje i uključivanje inva- lida rata u proces rada i drugi depoziti za otklanja- nje posljedica ratom razo- rene zemlje. *)			
26.		Ukupni depoziti (redni broj 24. minus 25.)	_____	_____	_____
27.		Osnovica za obračun obavezne rezerve dekadni prosjeck iz rednog broja 26.		_____	
28.		Iznos obavezne rezerve propisani procenat od iz- nosa pod rednim brojem 27.		_____	
		III Obračun za izdvajanje obavezne rezerve			
29.		Ukupna obavezna rezerva po obračunu (redni broj 16. plus redni broj 28.)		_____	

1	2	3	4	5	6
30.		Izdvojena obavezna rezerva račun (1410) na dan 15-og u mjesecu			
31.		Razlika obavezne rezerve po obračunu:			
		a) za izdvajanje (redni broj 29. minus 30.)			
		b) za vraćanje (redni broj 30. minus 29.)			

Napomena: *) U tač. 13. i 25. navodi se specifikacija stanja računa za konkretnu odbitnu stavku

Mjesto i datum

Obračun sastavio

Pečat i potpis
ovlaštenog lica

Na osnovu čl. 10, 11, 12. i 20. stav 1. tač. 3, 22. i 82. stav 1. pod a)/1, 4. i 5. Zakona o Narodnoj banci Bosne i Hercegovine ("Službeni list RBiH", br. 1/93 i 13/94), guverner Narodne banke Bosne i Hercegovine, donosi

ODLUKU

O USLOVIMA I NAČINU KORIŠTENJA OBAVEZNE REZERVE BANAKA I DRUGIH DEPOZITNIH ORGANIZACIJA RADI ODRŽAVANJA NJIHOVE DNEVNE LIKVIDNOSTI

1. Banke i druge depozitne organizacije (u daljem tekstu: Banke) mogu koristiti sredstva obavezne rezerve izdvojena kod Narodne banke Bosne i Hercegovine (u daljem tekstu: Narodna banka) za pokriće sredstava koja nedostaju na njihovom žiro računu kod organizacije ovlaštene za obavljanje platnog prometa.

Sredstva obavezne rezerve iz stava 1. ove tačke, banke mogu koristiti narednog dana od dana kada organizacija ovlaštena za obavljanje platnog prometa, po završenoj dnevnoj obradi naloga u platnom prometu, utvrdi i evidentira sredstva koja nedostaju na žiro računu banke.

Sredstva obavezne rezerve banke mogu koristiti, neprekidno ili sa prekidima, najviše 10 radnih dana u toku kalendarskog mjeseca, s tim da korištena sredstva ni jednog dana ne mogu biti veća od 80% izdvojenih sredstava obavezne rezerve prema posljednjem stanju izdvojene obavezne rezerve.

Za korištenje sredstava obavezne rezerve, banka izdaje i dostavlja nalog organizaciji ovlaštenoj za obavljanje platnog prometa na izvršenje i o tome istog dana obavještava Narodnu banku.

2. Istovremeno sa korištenjem obavezne rezerve organizacija ovlaštena za obavljanje platnog prometa izdaje nalog za vraćanje tih sredstava iz prvog narednog priliva sredstava na žiro računu banke, nakon što banka izvrši pokriće sredstava koja nedostaju na njenom žiro računu.

3. O korištenju i vraćanju sredstava obavezne rezerve iz tač. 1. i 2. ove odluke organizacija ovlaštena za obavljanje platnog prometa istog dana po izdavanju naloga obavještava Narodnu banku.

4. Za vrijeme korištenja obavezne rezerve banka ne može davati kredite, niti vršiti druge plasmane.

5. Radnim danom, u skladu sa ovom odlukom, ne smatra se subota.

6. Ova odluka stupa na snagu danom objavljivanja u "Službenom listu RBiH".

G broj 84/94
21. decembra 1994. godine
Sarajevo

Guverner
Narodne banke BiH,
Kasim Omičević, s. r.

SLUŽBENE OBJAVE

PROGLAŠENJE UMRILIM

Osnovni sud II u Sarajevu i to sudija Mrdović Fatima u vanparničnom predmetu predlagača Sagati Mirjane iz Sarajeva, ul. Klare Cetkin broj 9, radi dokazivanja smrti TEŠIĆ OLIVERA, na osnovu člana 65. Zakona o vanparničnom postupku RBiH izdaje sljedeći

O G L A S

TEŠIĆ OLIVER, sin Vojislava, rođen 30. 04. 1969. godine u Sarajevu, sa posljednjim prebivalištem u Sarajevu u ul. Klare Cetkin br. 9/II, navodno je poginuo dana 8. 06. 1992. godine kao pripadnik Armije RBiH u borbama u naselju Otes.

Poziva se Tešić Oliver, kao i svako drugo lice, koje bilo šta zna o njegovom životu ili njegovoj smrti da se u roku od 30 dana javi Osnovnom sudu II u Sarajevu, soba br. 310/III.

Po isteku roka od 30 dana, sud će donijeti rješenje po prijedlogu za dokazivanje smrti. (so-436/94)

Osnovni sud u Maglaju poziva HUSIĆ IDRIZA, sina Munifa i majke Musić Nure, rođenog 3. 7. 1960. godine u Kopicama, opština Maglaj, da se javi ovom sudu u roku od 30 dana od dana objavljivanja ovog oglasa.

U isto vrijeme poziva se svaka osoba koja ma šta zna o životu ili smrti Husić Idriza da se javi ovome sudu u istom roku.

Umrli Husić Idriz je poginuo dana 31. 3. 1994. godine na koti Krš Vukove njive kod Teslića.

Po isteku roka oglašavanja bit će proglašen umrli Husić Idriz. (so-438/94)

OGLASI

Osnovni sud u Maglaju po sudiji Bakiru Ljuboviću, kao predsjedniku vijeća, u pravnoj stvari tužitelja Isić Safeta iz Maglaja, protiv tužene Isić Raseme iz Maglaja, radi razvoda braka, izdaje dana 22. 12. 1994. g. slijedeći

OGLAS

Za privremenog zastupnika tuženoj Isić Rasemi kei Spahić Ramiza iz Maglaja, Ulišnjak bb postavlja se advokat Petković Milenko iz Maglaja, ul. A. Mahmutagića bb koji će zastupati tuženu u postupku razvoda braka koji se vodi kod Osnovnog suda u Maglaju pod brojem P. 22/94, sve dok se tužena ili njen punomoćnik ne pojave pred sudom. (so-439/94)

LIČNE ISPRAVE I DOKUMENTI

DA BI SE IZBJEGLA SVAKA ZLOUPOTREBA
SLIJEDEĆA DOKUMENTA SE OGLAŠAVAJU NEVAŽEĆIM

SARAJEVO

Džanković Džemal, radna knjižica izdata od SO Gacko	5487	Trnka-Pertef-Džolović Sabina, radna knjižica izdata od SO Centar Sarajevo	5512
Zuhrić Tanja, radna knjižica izdata od SO Foča	5488	Hrelja Avdo, vojna knjižica br. 1236774 izdata od SNO Stari grad Sarajevo	5513
Abdalajbegović Nermana, indeks Medicinskog fakulteta Sarajevo, br. 8327/77	5489	Šimić Ljubo, radna knjižica izdata od SO Centar Sarajevo	5514
Belko Samir, vojna knjižica br. 1157605 izdata od SNO Novo Sarajevo	5490	Pehar Stanko, radna knjižica izdata od SO Centar Sarajevo	5515
Jašarević Zineta, pasoš BH 004584 izdata od 23. 04. 1993. god. izdata od CSB Sarajevo	5491	Hastor Emir, vojna knjižica br. 3469362 izdata od SNO Stari grad Sarajevo	5516
Mulabdić Dragosava, diploma Filozofskog fakulteta Sarajevo	5492	Maksimović Ružica, radna knjižica izdata od SO Doboj	5517
Suljević Hasnija, radna knjižica izdata od SO Centar Sarajevo	5493	Pavlović Dragan, diploma Pravnog fakulteta Sarajevo	5518
Alić Almir, svjedočanstvo od V do VIII razr. izdato od SŠ "Džavid Haverić" Sarajevo	5494	Mišić Zahid, radna knjižica izdata od SO Rogatica	5519
Tuzlak Amira, radna knjižica izdata od SO Stari Grad Sarajevo	5495	Sinanović Semir, vojna knjižica br. 1235220 izdata od SNO Stari grad Sarajevo	5520
Dutina Jelena, diploma i svjedoč. od I do IV razr. izdato od I Gimnazije Sarajevo	5496	Brkanić Bajro, vojna knjižica br. 1982863 izdata od SNO Centar Sarajevo	5521
Hubijar Zejnedin, vojna knjižica br. 1981918 izdata od SNO Centar Sarajevo	5497	Dibranić Adnan, svjedoč. V i VI razr. OŠ "Remzija Omanović" Sarajevo	5522
Alibegović Alma, radna knjižica izdata od SO Novo Sarajevo	5498	Dibranić Adnan, svjedoč. VII i VIII razr. OŠ "Džavid Haverić" Sarajevo	5523
Festić Miralem, vojna knjižica br. 8801861 izdata od SNO Hadžići	5499	Jahić Ramiz, pasoš BH 023552 izdat 19. 02. 1993. god. od SJB Fojnica	5524
Tantula Azra, radna knjižica izdata od SO Rogatica	5500	Čovrk Redo, vojna knjižica br. 1230900 izdata od SNO Stari grad Sarajevo	5525
Bićo-Dizdar Jasmina, radna knjižica izdata od SO Kalinovik	5501	Alić (Edhema) Jusuf, vojna knjižica br. 1231408 izdata od SNO Stari grad Sarajevo	5526
Hodžić Emira, diploma Ekonomskog fakulteta Sarajevo, br. 39389	5502	Čučilović Bojan, svjedočanstvo I i II razr. Srednje umjetničke škole Sarajevo	5527
Smailović Jasmina, indeks Filozofskog fakulteta Sarajevo	5503	Ramović Semin, vojna knjižica br. 1234885 izdata od SNO Stari grad Sarajevo	5528
Hasović Almir, vojna knjižica br. 3462096 izdata od SNO Novi grad Sarajevo	5504	Kardović Adnan, vojna knjižica br. 1988386 izdata od SNO Centar Sarajevo	5529
Smajlović Zijad, vojna knjižica br. 8802614 izdata od SNO Hadžići	5505	memija Ramo, vojna knjižica br. 2168411 izdata od SNO Novi grad Sarajevo	5530
Kurtović Muzafer, pasoš BH 014965 izdata od CSB Sarajevo	5506	Hrustemović Zahida, radna knjižica izdata od SO Centar Sarajevo	5531
Bešić Halil, vojna knjižica br. 3459261 izdata od SNO Novi grad Sarajevo	5507	Nuspahić Irfan, vojna knjižica br. 1983751 izdata od SO Centar Sarajevo	5532
Kaliman Almir, odobrenje za obavljanje TAXI djelatnosti izdato od SO Centar Sarajevo	5508	Brkić Mirzad, pasoš BH 002128 izdat 12. 03. 1993. god. od SJB Sarajevo	5533
Hadžihalilović Halil, radna knjižica izdata od SO Višegrad	5509	Brkić Minela, pasoš BH 000585 izdat 12. 03. 1993. god. od SJB Sarajevo	5534
Arnautović-Kadribašić Memnuna, radna knjižica izdata od SO Prijepolje	5510	Brković Adnan, vojna knjižica br. 3382158 izdata od SNO Vogošća	5535
Medošević Amil, vojna knjižica br. 9855 5500297 izdata od SNO Trnovo	5511		

